

摘藻堂四庫全書薈要

經部

欽定四庫全書薈要

經部
詩地理攷卷三
四

詳校官原任侍講_臣王燕緒



欽定四庫全書薈要卷一千九十七

經部

詩地理攷卷三

宋 王應麟 撰

雅

鄭氏譜曰小雅大雅者周室居西都豐鎬之時詩也始
祖后稷由神氣而生有播種之功於民公劉至于大王
王季歷及千載越異代而別世載其功業為天下所歸
文王受命武王遂定天下盛德之隆大雅之初起自文
王至于文王有聲據盛隆而推原天命上述祖考之美

小雅自鹿鳴至于魚麗先其文所以治內後其武所以治外此二雅逆順之次要於極賢聖之情著天道之助如此而已矣大雅生民下及卷阿小雅南有嘉魚下及菁菁者莪周公成王之時詩也傳曰

孔氏曰未知此傳在何書

文

王基之武王鑿之周公內之謂其道同終始相成比而合之故大雅十八篇小雅十六篇為正經其用於樂國君以小雅天子以大雅然而饗賓或上取燕或下就何者天子饗元侯歌肆夏合文王諸侯歌文王合鹿鳴

諸侯於鄰國之君與天子於諸侯同天子諸侯燕羣臣
及聘問之賓皆歌鹿鳴合鄉樂此其著略大技見在書
籍禮樂崩壞不可得詳大雅民勞小雅六月之後皆謂
變雅美惡各以其時亦顯善懲過正之次也問者曰常
棣閔管蔡之失道何故列於文王之詩曰閔之閔之者
閔其失兄弟相承順之道至於被誅若在成王周公之
詩則是彰其罪非閔之故為隱推而上之因文王有親
兄弟之義又問曰小雅之臣何以獨無刺厲王曰有焉

十日之交雨無正小旻小宛之詩是也漢興之初師移其第耳亂甚焉既移又改其目義順上下刺幽王亦過矣朱氏曰正小雅燕饗之樂也正大雅會朝之樂受釐陳戒之辭也及其變也事未必同而各以其聲附之周道郁夷

地理志右扶風郁夷縣注詩周道郁夷顏氏曰四牡詩周道倭遲韓詩作郁夷言使臣乘馬於此道

管蔡

郡國志河南中牟有管城管叔邑河內山陽有蔡城蔡
叔邑山陽故城在懷州修武縣西北 括地志鄭州管
城縣今州外城即管國城叔鮮所封豫州今蔡州 上蔡縣
在州北七十里古蔡國外城叔度所都城也有蔡岡在
縣東十里因名 宋忠云胡徙居新蔡 輿地志平侯
徙新蔡

昆夷

混夷

串夷

周穆王伐畎戎

孫毓曰按書傳文王七年五伐有伐密須犬夷黎邠崇

漢匈奴傳周西伯昌伐畎夷注畎夷即畎戎也又曰

昆夷或作混又作緄

並音工本反

亦曰犬戎

山海經云黃帝生苗龍苗龍生

融吾融吾生弄明弄明生白犬白犬有牝牡是為犬戎說文赤戎之祖名白犬故曰犬戎

隴以西

有畎戎

史記自隴以西有緄戎

緄混夷駮矣

音昆

說文引詩犬夷四矣皇矣串夷載路

鄭氏曰即混夷西戎國名

孟

子文王事昆夷

書大傳注引詩畎夷喙矣

獫狁

史記匈奴傳唐虞以上有山戎獫狁葷粥居于北蠻

顏氏

曰皆匈奴別號 晉灼曰堯時
曰葷粥周曰獫狁秦曰匈奴

孟子大王事獯鬻

曹氏曰西北二戎相犄角為寇故征獯狁則西戎作伐
西戎則獯狁平 漢匈奴傳武王伐紂而營維邑復居
于鄴鎬放逐戎夷涇洛之北以時入貢名曰荒服懿王
時戎狄交侵暴虐中國詩人始作疾而歌之曰靡室靡
家獫狁之故

往城于方 朔方

毛氏曰方朔方近獯狁之國也 朱氏曰今靈夏等州

之地 曹氏曰即六月所謂侵鎬及方郡縣志夏州朔方
縣什賁故城在縣治北即漢朔方縣之故城也詩所謂
王命南仲城彼朔方是也漢武帝元朔二年收河南地
置朔方五原郡使蘇建築朔方什賁之號蓋蕃語也

程氏曰城朔方而獫狁之難除禦戎狄之道守備為本
不以攻戰為先也 史記匈奴傳戎狄逐周襄王暴虐

中國故詩人歌之曰出輿彭彭城彼朔方 漢書宣王
興師征伐詩人美大其功曰出車彭彭城彼朔方

西戎

朱氏曰昆夷也 後漢西羌傳武乙暴虐犬戎寇邊周

古公踰梁山而避于岐下及子季歷遂伐西落鬼戎太

丁之時季歷復伐燕京之戎戎人大敗周師後二年周

人克余無之戎於是太丁命季歷為牧師自是之後更

伐始呼翳徒之戎皆克之

竹書紀年

及文王為西伯西有昆

夷之患北有獫狁之難遂攘戎狄而戍之莫不賓服乃

率西戎征殷之叛國以事紂

南有嘉魚

毛氏曰江漢之間魚所產也 左太冲蜀都賦嘉魚出

於丙穴

陸氏曰丙穴在漢中沔陽縣北穴口向丙故曰丙類要丙水出丙穴在興州順政縣今沔州

文選注丙地名有魚穴二所常以三月取之 丙者

向陽穴也

輿地記穴口廣五六尺泉源垂注有嘉魚

常以三月自穴下透入水 太景山在興州南七十里與小景山相連本作丙以避諱改相傳北有丙穴產嘉魚

四海

爾雅九夷八狄七戎六蠻謂之四海疏曰夷類有九畎

夷于夷方夷黃夷白夷赤夷玄夷風夷陽夷又玄菟樂
浪高驪滿飾鳧更索家東屠倭人天鄙蠻類有八天竺
咳首僂跛踵穿冑儋耳狗軹旁脊戎類有六僂夷戎
夫老白耆羌鼻息天剛狄類有五月支穢豹匈奴單于
白屋

焦獲

毛氏曰周地接于獫狁者爾雅十藪周有焦獲

孫炎云周

岐周也

郭璞注今扶風池陽縣瓠中是也

寰宇記焦獲藪在京兆府涇陽

縣北外十數里亦名瓠口溝洫志韓水工鄭國說秦
令鑿涇水自中山山西抵瓠口為渠班彪北征賦夕宿

瓠口之玄宮
注以為焦獲

朱氏曰焦未詳所在獲郭璞以為瓠中

今在耀州三原縣

孔氏曰澤數在瓠中而數外接于獫狁

鎬方

鄭氏曰鎬也方也皆北方地名孔氏曰漢劉向疏云

吉甫之歸周厚賜之其詩曰來歸自鎬千里之鎬猶以

為遠鎬去京師千里顏師古注鎬非豐鎬之鎬

王肅以為鎬京

王基駁之

朱氏曰劉向以為千里之鎬則非鎬京之鎬矣

未詳所在方疑即朔方也

涇陽

鄭氏曰涇水之北

孔氏曰水北為陽

通典今涇原州地並涇

水之陽

郡縣志原州平涼縣本漢涇陽縣地今縣西

四十里涇陽故城是也涇水源出百泉縣西南涇谷

地理

志筭頭山淮南一名薄落山故涇水亦曰薄落水平涼縣今屬渭州

孔氏曰涇去京

師為近

太原

禹貢既修太原顏師古曰即今晉陽 黃氏曰晉太原

大鹵大夏夏墟晉陽凡六名 朱氏曰太原亦曰大鹵

今在太原府

穀梁傳中國曰大原夷狄曰大鹵

左傳注大鹵太原晉

陽縣

漢太原郡治晉陽

後漢西羌傳穆王遷戎于太原夷王

命虢公率六師伐太原之戎至于俞泉宣王遣兵伐大

原戎不克 周語宣王料民于太原 孔氏曰杜預云

西河介休縣南有地名千畝則王師與姜戎在晉地而

戰也 毛氏曰至于大原言逐出之而已 史記戎狄

逐周襄王暴虐中國故詩人歌之曰薄伐獫狁至于大原 九域志古京陵在汾州周宣王北伐獫狁時立

郡縣志在平遙縣東七里漢京陵縣又曰太原臺駘之所居 帝王世紀帝堯徙晉陽即今大原也 地理志

趙西有太原秦莊襄四年初置大原郡

漢二十
一縣

唐開

元十一年改并州為大原府高齊移晉陽縣於汾水東
隋開皇十年於州城中古晉陽置太原縣在州東二里
百六十步太平興國四年省入榆次 薛氏禹貢解曰太

原在榆次縣 左傳晉居深山戎狄之與鄰而遠于王

室王靈不及拜戎不暇

中行穆子敗狄于太原注晉陽縣

中鄉

鄭氏曰美地名

蠻荆

毛氏曰荊州之蠻也 鄭語史伯曰當成周者南有荆

蠻

注羊姓之蠻
嚮熊之後也

叔熊逃難於濮而蠻

濮蠻邑

蠻羊蠻矣

謂叔

熊

晉語叔向曰昔成王盟諸侯於岐陽楚為荆蠻

注荆

州之蠻

置茅絕設望表與鮮牟

東夷國

守燎故不與盟

吳

語有蠻荆之虞

後漢南蠻傳槃瓠後滋蔓今長沙武

陵蠻是也周世黨衆彌盛宣王中興乃命方叔南伐蠻

方詩人謂蠻荆來威

楚世家熊霜元年周宣王初立

曹氏曰宣王北

伐之事大矣然止見於六月之詩其所任者吉甫一人

而已至於南征在小雅見於采芑者則命方叔在大雅

見於江漢者則命召虎見於常武者則命大師皇父而

各言其成功則荆蠻淮夷之作難非一時其所任非一

人

東都

朱氏曰東都洛邑也周公相成王營洛邑為東都以朝諸侯周衰久廢其禮至宣王復會諸侯左傳成王合諸侯城成周以為東都通鑑外紀成王使召公先相宅周公至洛師復卜申視營築謂之王城是為東都制郊畿方六百里因西土為方千里分為四縣縣有四郡郡有鄙曰此天下之中四方入貢道均

書傳云五年營成洛邑

晁氏曰昔夏后初都陽城南踰洛陽百里而遠成湯遷
亳殷東踰洛陽五十里而近皆會洛陽而不都周興武
王既定鼎郊鄩厥後召公相宅洛邑周公營成周其意
盛矣而成王卒不果遷逮夫宣王中興自濟之洛狩于
圃田及于敖山因以朝諸侯車攻之詩作焉豈不欲成
周召之志歟且宣王嘗狩于岐而石鼓之詩亦偉矣夫
子乃舍而弗錄得非岐之狩為常而東都之狩非常乎
惜夫宣王卒亦不果遷也至平王是遷而周衰矣 王

氏曰成王欲宅洛者以天事言則日東景朝多陽日西
景夕多陰日南景短多暑日北景長多寒洛天地之中
風雨之所會陰陽之所和也以人事言則四方朝聘貢
賦道里均焉非特如此而已懲三監之難必殷頑民遷
以自近洛距妹邦為近則易使之遷作王都焉則易以
鎮服也雖然鎬京宗廟社稷官府宮室具在不可遷也
故於洛時會諸侯而已何以知其如此以詩考之宣王
時會諸侯於東都而車攻謂之復古 駕言徂東毛氏

曰東洛邑也

文武竟土

曹氏曰岐周之地迫近西北二戎鎬方焦獲之地嘗為其所據

甫草

韓詩作圃草 鄭氏曰甫田之草也 鄭有甫田

音補謂圃

田鄭
藪也

呂氏春秋九藪梁之圃田 爾雅十藪鄭有圃

田 穆天子傳天子里甫田之路東至于房

左傳鄭有原圃

郡國志河南中牟縣有圃田澤 郡縣志圃田澤一名

原圃在鄭州中牟縣

今屬開封府

西北七里其澤東西五十

里南北二十六里

水經注東西四十餘里

西限長城東極官渡上

承管城縣界

水經注北佩渠水

曹家陂又溢而北流為二十四

陂

在管城縣東三里

水經注云渠水自河與洧亂流東榮澤

北東南分洧歷中牟縣之圃田澤北與陽武分水澤多

麻黃草述征記曰踐縣境便覩斯卉寤則知踰界詩所

謂東有圃草也 皇武子曰鄭之有原圃猶秦之有具

圃澤在中牟縣西 竹書紀年梁惠成王十年入河水
于甫田又為大溝而引甫水 朱氏曰甫草甫田也後
為鄭地宣王之時未有鄭國圃田屬東都畿內故往西
也 陳氏曰九州川浸澤藪名在職方不屬諸侯之版
而詩不以圃田繫鄭春秋不以沙麓繫晉略可睹矣周季
諸侯始擅不盼之利齊幹山海而桃林之塞郟瑕之地
晉實私之甚者至周歲貢百二十金於魏以易温圃

韓詩東有圃草 補傳曰甫田易野也易野以車為主

故用以選車田車既好是也

教

郡縣志教山在鄭州滎澤縣西十五里春秋時晉師在

教郟之間

二山名在滎陽縣西北

宋武北征記曰秦時築倉於

山上漢高祖亦因教倉傍山築甬道下汴水踐土臺故

王宮在縣西北十五里臨汴水南帶三皇山秦所置仲

丁遷于颯此也詩薄狩于教皆此地 括地志滎陽故

城在鄭州滎澤縣西南十七里殷時教地周時名北制

在敖山之陽 水經濟水東逕敖山北注云詩薄狩于
敖山上有城殷仲丁所遷秦置倉於其中亦曰敖倉城
鄭氏曰敖鄭地今近滎陽 呂氏曰晉師救鄭在敖
鄔之間設七覆于敖前則敖山之下平曠可以屯兵翳
薈可以設伏東有甫草卽此地 郡國志河南滎陽有
敖亭周宣王狩于敖 補傳曰敖險野也險野以人為
主故用以選徒

漆沮

禹貢雍州漆沮既從蔡氏曰漆水寰宇記自耀州同官縣東北界來經華原縣合沮水沮水地志出北地郡直路縣東今坊州宜君縣西北境也寰宇記沮水自坊州昇平縣北子午嶺出俗號子午水下合榆谷慈馬等川遂為沮水至耀州華原縣合漆水至同州朝邑縣東南入渭二水相敵故並言之既從者從於渭也 朱氏曰漆沮在西都畿內涇渭之北所謂洛水今流入鄜坊至同州入河 段氏曰書所謂漆沮在澧水涇水之東為

渭之下流吉日漆沮乃會於東都繼田獵之後則宜為
下流之漆沮蓋遠歷廊坊比之東都為地近 李氏曰
禹貢東過漆沮即此漆沮是也 孔氏傳在涇水之東
一名洛水與自土沮漆者別也此職方氏所謂雍州其
浸渭洛非河南之洛也 水經注洛水闕駟以為漆沮之
源出慶州洛源縣此
史記正義括地志云洛水
非古公所度漆沮也

南山

幽幽南山劉氏曰鎬京之陽終南之山

嚴氏曰周都豐鎬面對終南故

天保祝君斯干考室節
南山刺師尹皆指此山

沔水

晉語公子賦河水注河當作沔字相似誤也

嚴氏曰杜詩云衆流

歸海意萬國奉君

心與此詩意同

褒

輿地廣記興元府褒城縣故褒國漢置褒中縣 括地

志褒國故城在縣東二百步

國都城記褒國姁姓夏同姓所封 水經注石門在

漢中之西褒中之北褒水又東南歷褒口即褒谷之南口也北口曰斜褒水又南逕褒縣故城東褒中縣也本

褒國又南流入于漢南鄭縣故褒之附庸周顯王之世蜀有褒漢之地至六國楚人兼之懷王衰弱秦略取焉

晉語周幽王伐有褒 鄭語褒人褒姒 魯

詩閭婁扇方處 班婕妤賦哀褒閭之為郵

百川沸騰

周語幽王二年西周三川皆震注西周鎬京也邠岐之

所近三川涇渭洛

洛即漆沮

震動也地震故三川亦動 伯

陽父曰昔伊洛竭而夏亡河竭而商亡今周德若二代之季矣是歲也三川竭岐山崩

向

孔氏曰左傳桓王與鄭十二邑向在其中杜預云河內

軹縣西有地名向上則向在東都之畿內也

軹縣唐省入孟州濟

源

水經注云向城北向岡左傳襄十一年諸侯伐鄭

師于向 朱氏曰都大邑周禮畿內大都方百里小都

方五十里皆天子公卿所封也向在東都畿內今孟州

河陽縣是也 九域志同州有向城詩作都于向謂此

蘇公

鄭氏曰蘇畿內國

孔氏曰左傳昔周克商使諸侯撫

封蘇忿生以温為司寇則蘇國在温

杜預曰今河内温縣是東都畿内也

春秋時蘇稱子此云公者蓋子爵而為三公書司寇蘇

公 鄭語已姓昆吾之後僖十年温子奔衛傳云蘇子注國於温故曰温子世本蘇成公作荒

寰宇

記故温城在孟州温縣西三十里

地理志河内郡温縣故國已姓蘇忿生所

封

暴公

鄭氏曰暴畿内國 春秋文八年公子遂會雜戎盟于

暴杜氏注鄭地

朱氏曰戰國及漢時有人姓暴世本暴辛公作墳 譙周古史考云古有墳荒

尚矣風俗通暴
辛公周諸侯也

有北

毛氏曰北方寒涼不毛之地 莊子窮髮之北

楊園 畝丘

毛氏曰楊園園名

朱氏曰下地也

畝丘丘名

爾雅釋丘云如畝李廵曰謂丘有壘

界如田畝朱氏曰高地

孔氏曰於時王都之側蓋有此園丘詩

人見之為詳

東國

譚

見前

孔氏曰譚國在京師之東 陳氏曰晉之乘楚之檇杙
魯之春秋皆東遷之史也古者諸侯無私史有邦國之
志則小史掌之而藏周室魯人所謂周人御書晉人所
謂辛有之二子董之晉於是董史者也是故費誓繫
於周書漢汝江沱至於譚大夫下國之詩皆編入於南
雅 朱氏曰小東大東東方小大之國也自周視之則
諸侯之國皆在東方

文中子龔氏注周之侯國各得獻詩於王若大東漸漸之石之類是

也

沱泉

毛氏曰側出曰沱泉

音軌 釋名流
狹而長如車軌

江漢南國之紀

鄭氏曰江漢南國之大水 曹氏曰江漢受百川之水

而注之海使無泛濫之患所以紀理南國此詩指江漢

而言盡瘁以漸漸之石之詩考之幽王時荆舒嘗叛命

將徂征則從征役之事者多矣

禹貢江漢朝宗于海黃
氏曰江漢至荊州合流

去海猶遠而已有朝宗之勢俗彊於此示訓 孔氏曰
幽王之時楚已強矣 鄭語史伯謂桓公曰南有荆蠻

不可
以入

芄野

毛氏曰遠荒之地 蘇氏曰芄地名

淮水 三洲

禹貢導淮自桐柏東會于泗沂東入于海 朱氏曰淮

水出信陽軍桐柏山至楚州漣水軍入海 地理志南

陽郡平氏縣

今唐州桐柏縣

桐柏大復山在東南

水經胎

淮水

所出東南至淮陵

今招信縣

入海 孔氏曰鄭於中候握河

紀注云昭王之時鼓鍾之詩所為作者依三家為說也

水中可居曰洲

朱氏曰三洲淮上也

蘇氏曰始言湯湯水盛也

中言潛潛水流也終言三洲水落而洲見也言幽王之
久於淮上也 呂氏曰三洲作詩者賦其所見也

信南山

董氏曰南山終南山也雍州之山終南則禹固治之矣

括地志終南山一名南山

劉氏曰終南在鎬京之南

瞻彼洛矣

毛氏曰洛宗周浸漑水也 職方氏雍州其浸渭洛易

氏曰按漢志左馮翊懷德縣即彊梁原之洛水

說文洛水出左

馮翊歸德北夷中東南入渭懷德即京兆之富平縣今屬耀州即馮翊之地

北條荆山在縣

西正洛水之源也孔安國注禹貢漆沮亦曰洛水出馮

翊北又一洛水出慶州洛源縣有於白山在縣北三十

里洛水所出因以名縣東流至鄜州洛交縣又東南流

至京兆府雲陽東又經同州澄城西北去富平之懷德

亦近

非禹貢導洛自熊耳之洛淮南陸形訓洛出獵山注獵山在北地西北夷中洛東南流入渭詩云瞻

彼洛矣是也 括地志洛水一名漆沮水源出慶州洛源縣白於山東南流鄜丹同三州至華陰北南流入渭

王氏曰洛東都之所在也

呂氏曰毛傳以洛為宗周之浸水洛水雖出於京兆

上洛西山然其流尚微此

朱氏曰洛水在東都會諸

詩所謂洛蓋指東都也

侯之處

言天子至洛水之上御戎服而起六師

蔡氏曰洛水地志云出

弘農郡上洛縣冢領山水經謂之謹舉山

今商州洛南縣至鞏

縣入河

今河南鞏縣左傳雒水在鞏縣南山海經洛水成皋西入河謂之洛水

水經注張儀曰

什谷之口史記音義鞏縣有郟谷水

鎬京

今京兆長安縣昆明池北鎬陂 郡縣志周武王宮即

鎬京也在京兆府長安縣西北十八里自漢武帝穿昆

明池於此鎬京遺趾淪陷焉 括地志瀉水源出長安

縣西北瀉池水經注云瀉水承瀉池北流入渭

孟康曰長安西

南有鎬池 古史考武王遷鎬長安豐亭鎬池也 荀子武王以鄔與鎬同 秦紀鎬池君

水經

渭水東北與鄔水合

注水上承鎬池於昆明池北武王所都漢穿昆明池於是地今無可

究 赫赫宗周毛氏曰鎬京也 周宗既滅鄭氏曰周宗鎬京也

檻泉

爾雅檻泉正出

涌出也

說文作濫

蠻髦

毛氏曰蠻南蠻也髦夷髦也 鄭氏曰髦西夷別名武

王伐紂其等有八國從焉 牧誓及庸蜀羌髳微盧彭

濮人

髳髦音義同孔氏曰髳在巴蜀

括地志姚府以南古髳國之地

有髳州

唐地理志諸蠻州有髳州

謝 召伯

郡國志南陽郡宛縣本申伯國棘陽縣東北百里有謝

城朱氏曰謝邑名申伯所封
國也今在鄧州信陽軍

鄭語桓公曰謝西之九

州何如史伯曰惟謝邾之間是易取也注謝申伯之國

今在南陽謝西有九州一千五百家曰州邾南謝北虢

鄆在焉輿地廣記棘陽故謝國漢為棘陽縣屬南陽

其後省故城在今唐州湖陽縣西北水經注沘水又

西南流謝水注之水出謝城北建武十三年封樊重少

子丹為謝陽侯即其國也崧高于邑于謝南國是式

毛氏曰謝周之南國也

台伯周語注台公台
康公之後穆公虎也

漉池 北流

鄭氏曰豐鎬之間水北流

毛氏曰漉流貌

水經注鄆水又北

流西北注與漉池合水出鄆池西而北流入于鄆世傳以為水名 寰宇記渭水西自京兆鄆縣流入長安漢建元三年造便橋跨渭斯漉池之別名西北合渭水

說文作漉沱

九域志京兆府冰池按十道志名漉池亦名聖女泉

荆舒

鄭氏曰荆謂楚也舒舒鳩舒鄆舒庸之屬 春秋莊十

年書荆僖元年始書楚

孔氏曰殷武荆楚并言之楚之稱荆久矣公羊傳荆者州名

也 穀梁傳謂之荆狄之也 聖人立必後至天子弱必先叛故曰荆狄之也

地理志成王封熊繹於荆蠻為

楚子居丹陽 左傳熊繹辟在荆山 括地志歸州巴

東縣東南四里歸故城熊繹之始國也 輿地志材歸

縣東有丹陽城

春秋有舒 在今廬州舒城縣

舒鳩 今無為軍巢縣

舒蓼 在安豐縣

舒庸 東夷國 謂之羣舒皆偃姓 阜陶後世本舒鮑偃姓

地理志廬江郡舒縣故舒國龍舒縣羣舒之邑 龍舒故城

在無為軍廬江縣西唐世系表舒又曰羣舒舒蓼舒

庸舒鳩一國而有五名朱氏曰州楚本號舒近楚

西戎 見前 東夷

左傳椒舉曰周幽為大室之盟戎狄叛之 後漢西羌

傳幽王命伯士伐六濟之戎軍敗

見竹書紀年

戎圍犬丘

書序成王既伐東夷孔氏注海東諸夷駒麗扶餘駢貊

孔氏疏漢有高駒麗扶餘駢貊即韓也北方曰貉又云東北

夷也

詩地理攷卷三

欽定四庫全書蒼要卷一千九十八

經部

詩地理攷卷四

宋 王應麟 撰

受命作周

朱氏曰受命受天命也作周造周室也稱王改元之說

歐陽公蘇氏游氏辨之已詳武成惟九年大統未集若

以文王在位五十年推之不知九年何處數起

尚書大傳曰文

王命一年斷虞芮之質二年伐邠三年伐密須四年伐

犬夷五年伐耆六年伐崇七年而崩

孔安國見武成

篇故秦誓傳曰周自虞芮質厥成諸侯並附以為受命

之年至九年文王卒

葉氏曰詩言周雖舊邦其命維

新以虞芮質厥成爲文王受命之年儒者之傳固有自矣是以武王稱誕膺天命九年

摯

毛氏曰摯國名任姓周語摯疇之國由大任

注摯疇二國奚

仲仲虺之後

大任之家

唐世系表祖已七世孫曰成徙國於摯

仲虺居薛臣虺祖已皆其胄裔 傅氏曰

自彼殷商來嫁于周則摯是殷商畿內國

京

朱氏曰裸將于京周之京師也曰嬪于京依其在京周

京也王配于京鎬京也

乃親于京高丘也

殷商

史記正義自湯已下號商自盤庚改號曰殷括地志相州安陽縣本盤庚所都即北蒙殷墟南去朝歌城百四

十六里竹書紀年盤庚自奄遷北蒙曰殷墟南去鄴四

十里

舊鄴城西南三十里有洹水在相州北四里南岸
三里有安陽城即相州外城西有城名殷墟所謂

北冢也 史記項羽與
章邯盟洹水南殷墟上

鄭氏曰契有功封商湯始居

亳之殷地

荀子契玄王生昭明居於砥石

或曰即
底柱遷

于商

十四世
有成湯

書盤庚遷于殷

孔氏曰亳
之別名

孔氏曰成

湯之初以商為號及盤庚後為殷取前後二號而言之

曹氏曰盤庚復治亳之殷地湯之故居故兼稱殷商

朱氏曰商言其

國殷言其地

洽陽

毛氏曰洽水也穀梁傳水北曰陽 地理志左馮翊郃

陽縣在郃水之陽 說文引詩在郃音合之陽 朱氏曰

洽水名本在今同州郃陽夏陽縣今流已絕故去水而

加邑渭水亦逕此入河

括地志郃陽故城在同州河西縣南三里

水經注

曰郃陽城南有瀆水東流注于河水南猶有文母廟前有碑去城十五里水即郃水也縣取名焉

郡縣志水在舊河西縣南

五里今郃陽界內

渭溪

毛氏曰渭水厓 王氏曰洽之陽渭之溪莘國所在

朱氏曰渭水至同州馮翊縣入河 孔氏曰造舟比船

於水加版於上即今之浮橋杜預曰造舟為梁則河橋

之謂也

爾雅天子造舟 鄭氏曰周制也殷時未有等制 程氏曰親迎于渭文王未為君周國在渭

旁不是
出疆

莘

毛氏曰莘大妘國 水經注郟陽城故有莘邑大妘之

國

輿地廣記同州
郟陽縣古莘國

括地志古新女國城在同州河西

縣南二十里

世本莘妘姓禹後
世系表啟封支子于莘

牧野

牧說文作毋

孔氏曰紂
南郊地名

通典衛州汲縣牧野之地

九域

志汲城本牧野
之地漢為縣

郡國志朝歌縣南有牧野

牧摭注紂
近郊三十

里地名牧 括地志今衛州城即牧野之地武王至牧
野乃築此城 孔氏曰商郊牧野是郊上之地戰在乎

野故曰野詩

于牧之野

皇甫謐曰在朝歌南七十里

水經注自朝歌以南

暨清水土地平行據臯跨澤悉毋野之地故詩稱毋野

洋洋竹書紀年曰武王率西夷諸侯伐殷敗之于牧野

括地志朝歌在衛州東北 周書

克殷曰周車三百五十乘陳于牧野

自土沮漆

地理志右扶風杜陽縣

今鳳翔府普潤縣

杜水南入渭詩曰自

杜顏氏注詩自土沮漆齊詩作自杜言公劉避狄而來

居杜與沮漆之地

鄭氏曰公劉遷于豳居沮漆之地

段氏曰漆沮有二皆出雍州皆東入于渭特有上流

下流之別詩漆沮入於渭之上流

自土漆沮言於岐周之間

書漆沮

入於渭之下流

言於東會於澧又東會於涇之下

十三州志云漆水出

漆縣西北至岐山東入渭後漢注漆縣故城在邠州新

平縣沮水不知所在此詩自土沮漆者也

十三州志萬年縣南有涇

渭北有小河即沮水也

晁氏曰地理志漆水在扶風漆縣西此

豳之漆也

水經漆水出扶風杜陽縣俞山東北入於渭括地志沮水出雍州富平縣東入櫟陽南

漆水出岐州普潤縣東南岐漆山嚴氏曰沮漆名稱相亂水經云沮水出北地郡直路縣東過馮翊殺相縣

北東入于洛此沮水之源流也漢志扶風有漆縣漆水在縣西東入渭又闕駟十三州記云漆水出漆縣西北至岐山東入渭此漆水之源流也沮出北地入洛漆出扶風入渭沮自沮漆自漆也至孔氏引水經云沮水俗謂之漆水謂之漆沮此則名稱相亂矣諸家書解以出扶風之漆水與出北地之漆水為二謂扶風之漆水至岐山入渭在澧之上流而書言渭水會澧會涇之後乃過漆沮則漆沮在澧水涇水之下流故以書之漆沮為出北地之漆沮與詩扶風之漆別也但水經出北地者止是沮水而謂之漆沮耳如上所言則詩之漆沮自是二水書之漆沮止是一水即詩之沮也然水經之沮入洛書之漆沮則入渭沮水若為漆沮一名洛水則漆沮即洛也而又云入洛何也姑闕之以俟知者此詩沮漆指豳國是漆沮之上流也下文言周原傳以為漆沮之間指岐周是漆沮之下流也吉日及潛頌言漆沮指鎬京當亦去岐周不遠也疏云漆沮二水在豳地但二水

東流亦過周其說是也史記正義二水源在雍州西其名洛水者在雍州東山海經鞠次之山漆水出焉北流注于渭說文漆水出右扶風杜陵縣岐山東入渭水經注今有水出杜陽縣岐山北漆溪謂之漆渠西南流注岐水

率西水澣

鄭氏曰循西水厓沮漆水側也周紀古公去豳渡漆

沮

徐廣曰水在杜陽岐山
顏氏曰漆水在新平

岐下

孟子大王去邠踰梁山邑于岐山之下居焉

括地志梁山在雍州

好畤縣西北十八里
鄭氏云岐山西南

郡縣志岐山亦名天柱山在鳳

翔府岐山縣東北十里 地理志右扶風美陽縣岐山

在西北中水鄉周大王所邑 水經注岐水歷周原下

北則中水鄉成周聚水北即岐山 皇甫謐云今美陽西北有岐城舊址 孔

氏曰皇矣稱居岐之陽在渭之將是其處險阻也 地理志大王徙邠 閟宮實維大王居岐之陽實始翦商 朱氏傳曰大王自豳徙居岐陽四方之民咸歸往之王迹始著蓋有翦商之漸矣

周原

郡國志右扶風美陽有岐山有周城 杜預云城在縣西北 周大王

所徙南有周原 郡縣志鳳翔府扶風縣本漢美陽地

通典美陽故城在京

皇甫謐云邑於周地始改國為

兆府武功縣北七里

周

史記正義岐山下有周原上置城

毛氏曰周原沮漆之間也 鄭

氏曰廣平曰原周之原地在岐山之南膺膺然肥美

韓詩

周原

媿媿

虞芮

毛氏曰虞芮之君爭田久而不平乃相謂曰西伯仁人也盍往質焉乃相與朝周入其境則耕者讓畔行者讓

路入其邑男女異路頌白不提挈入其朝士讓為大夫
大夫讓為卿二國之君感而相謂曰我等小人不可以
履君子之庭乃相讓以其所爭田為閒田而退天下聞
之而歸者四十餘國 郡縣志故虞城在陝州平陸縣

東北五十里虞山之上古虞國

地理志河東大陽縣吳山在西上有吳城

芮

城在陝州芮城縣西二十里古芮國

晉太康地記虞西百四十里有芮城

閒原在平陸縣西六十五里即虞芮爭田讓為閒田之

所

蘇氏曰芮在同之馮翊 郡國志左馮翊臨晉有芮鄉古芮國與虞相讓者

涇彼涇舟 鳧鷖在涇

涇水出原州百泉縣涇谷東南流至涇州臨涇保定二縣又東南流至邠州之宜祿新平永壽三縣又東北流至京兆之醴泉高陵雲陽三縣以入渭

旱麓

毛氏曰旱山名麓山足 地理志漢中郡南鄭縣旱山沱水所出東北入漢 說文林屬於山為麓 曹氏曰旱山在梁州之地與漢廣相近故取以興焉 周語旱

麓之榛楛殖故君子得以易樂干祿焉

九域志興元府有旱山 寰宇

記在南鄭縣西南二十里
周地圖記云山上有雲即雨

密

毛氏曰國有密須氏 呂氏春秋密須之民自縛其主

而與文王 地理志安定郡陰密縣詩密人國 括地

志陰密故城在涇州鶉觚縣西其東接縣城即古密國

周語共王遊涇上密康公從又曰密須由伯姞 左傳

密須之鼓與其大路文所以大蒐也杜氏注密須姞姓

國文王伐之得其鼓路 郡縣志涇州靈臺縣西陰密

故城即古密國 輿地廣記商時密國之地本鶉觚 隋

取文王伐密而民始附之意以靈臺名縣
朱氏曰密密須氏也媾姓之國在今寧州

阮 共

張氏曰阮國名共阮國之地名皆在今涇州今有共池

即共也

氏族略阮商諸侯國在岐渭之間

鄭氏曰阮也祖也共也三

國犯周而文王伐之 孔氏曰魯詩亦以阮祖共皆為

國名孫毓云文王七年五伐未聞有阮祖共三國助紂

侵周文王伐之之事 孟子以遏祖莒

注以遏止往伐莒者

朱

氏曰祖旅密師之往共者也

鮮原

蘇氏曰文王既克密須於是相其高原而徙都焉所謂程邑是歟 孔氏曰大王於遷已在岐山此亦在岐山之陽去舊都不遠周書稱文王在程作程寤程典皇甫謐云文王徙宅於程蓋謂此也 朱氏曰其地於漢為

扶風安陵今在京兆府咸陽縣

地理志安陵關駟以為本州之程邑

通

鑑外紀西伯自岐徙鮮原在岐山之陽不出百里 鄭

氏曰地在岐山之南居渭水之側後竟徙都于豐

曹氏曰大

王邑于岐山之下猶在岐北文王既勝密須於是度鮮原於岐山之南渭水之側定程邑而遷都焉魯頌大王居岐之陽謂

孟子文王治岐

左傳成有岐陽之蒐郡縣志鳳翔府岐陽縣

岐北非也

蓋漢杜陽縣地貞觀七年置以在岐山之南因以名之輿地廣記此詩所謂居岐之陽也文王始亦治焉元和三年省入扶風縣括地志安陵故城在咸陽東二十一里周之程邑書文王肇國而西土

崇

鄭氏曰崇侯虎倡紂為無道

通典崇國在京北府鄆縣帝王世紀鯀封崇伯國

在豐鎬之間周有崇國晉趙穿侵崇

史記伐崇而作豐邑伏湛曰以伐

崇庸崇國城守先退後伐

氏族略其地在鄆縣東

皇極經世商

受十八年西伯伐崇自岐徙居豐

注既伐于崇作邑于豐是國之地也

靈臺

三輔黃圖在長安西北四十里高二十丈周四百二十

步 三輔故事在豐水東

水經注澧水北經靈臺西左傳秦獲晉侯舍諸靈臺杜

氏注在鄠縣周之故臺也又云鄠在鄠縣東有靈臺屬

京兆府

地理志文王作鄠注今長安西北界靈臺鄉

豐水上是

朱氏曰言倏而成如神靈之

為司馬法曰偃伯靈臺伯謂師節也

靈囿

黃圖在長安縣西四十二里

孟子文王之囿方七十里

靈沼

黃圖在長安西三十里

鄭氏駁異義云於臺下為圓沼

辟雍

毛氏曰水旋丘如璧曰辟雍以節觀者 黃圖文王辟

雍在長安西北四十里 史記豐瀉有天子辟池索隱

云即周天子辟雍之地 張氏曰靈臺辟雍文王之學

也辟雍之在鎬京者武王之學也

莊子文王有辟雍之樂 鄭氏曰辟雍及

三靈皆同處在郊 書大傳樂曰舟張辟雍 戴氏曰言文王之樂不在臺沼靈囿而在辟雍也

豐

朱氏曰豐在今京兆府鄠縣終南山北 地理志文王

作豐 括地志豐宮在鄠縣東三十五里 地理志京

兆鄠縣豐水出其東南

皇甫謐云豐在京兆府鄠縣東豐水之西文王自程從此 孔

氏曰從鮮原徙鄠豐在岐山東南三百餘里

說文鄠周文王所都在京兆

杜陵西南

朱氏曰即崇國之地今鄠縣杜陵西南

通典鄠今京兆府長

安縣西北靈臺鄉豐水上 左傳康有鄠宮之朝

名誥王朝

步自周 錫京則至于豐 告文王廟 畢命 王朝步自宗周 錫京至于豐 文王所都

豐水

鄭氏曰豐水禹治之使入渭東至于河豐邑在豐水之

西鎬京在豐水之東

朱氏曰豐水東北流徑豐邑之東入渭而注于河豐水有芑鎬京在

豐水下流故以起興

郡縣志豐水出京兆府鄠縣東南終南

山自發源北流經縣東二十八里北流入渭 禹貢灋

水攸同

地理志鄠水出扶風鄠縣東南北過上林苑入渭

黃圖出鄠南山豐

谷北入渭 黃氏曰北至咸陽縣入渭

鎬京

見前

坊記引詩度是鎬京 郡國志注豐鎬相去二十五里

鎬在京北上林苑中黃圖鎬池在昆明池之北即周之故都通典云鎬陂

夾漈鄭氏曰周

地西迫戎狄自岐之豐自豐之鎬是西遠戎而東即華也 朱氏曰鎬京武王所營也去豐水東去豐邑二十

五里 周書文傳曰文王受命九年在鄘召太子發

戴氏曰武王都鎬京為四方來朝者豐不以容之先作辟雍以養人才

郃

毛氏曰姜嫄之國 郡縣志故獫狁城一名武功城在京

兆府武功縣西南二十二里古郃白虎通國也后稷姜嫄祠在

縣后稷母家也鄭氏曰后稷成功堯改封於郃就其成國之

家室 左傳作駘魏駘芮岐畢吾西土也杜氏注后稷受此五國駘在武功縣所治獫狁城釋

文當作駘郡國志右扶風郃縣有郃亭 郡縣志秦孝公

作四十一縣獫武功各其一獫與郃音同武功蓋在渭

水南今郃縣地是也 樊噲攻雍獫城注云即后稷所

封今武功故城是獫縣漢屬右扶風後周置武功於故獫城 孔氏曰郃

國自有君此或滅或遷故以其地封后稷

闕宮奄有下國
朱氏曰封於郃

也

百泉 溥原 流泉

曹氏曰漢朝那縣屬安定郡隋改為百泉縣屬平涼郡

魏於其地置原州唐因之百泉溥原即其處

郡縣志郃
州三水縣

以縣界有羅川谷三泉並流故以為號
幽城在縣西高
泉山亦曰甘泉在永壽縣北二十五里
五龍原在新平
縣南三里原側
有五泉水因名

隰原

鄭氏譜曰豳在雍州原隰之野 孔氏曰禹貢雍州原

隰底績是原隰屬雍州也公劉居豳度其隰原以治田

是豳居原隰之野 蔡氏曰廣平曰原下溼曰隰度其

隰原即指此其地在豳今邠州也史記正義原隰豳州地郡縣志邠州新平

縣有五龍原永壽縣有永壽原宜祿縣有淺水原 白虎通詩引于邠斯觀

涉渭

史記周紀公劉自漆沮渡渭取材用郡縣志邠州公劉所居之地州治新

平縣即漢漆縣漆水在縣西九里西北流注于涇史記正義公劉從漆縣漆水南渡渭水至南山取材木為

用漆水
東入渭

皇澗 過澗

傅氏曰二澗當在邠州界

釋名山夾水曰澗 乳氏謂皇澗縱在兩旁而夾之過澗

橫故在北而嚮之亦可想見其形勢矣
芮鞠之即則又在過澗之南鞠者外也

芮鞠

周禮注作汭坻

地理志注韓詩作芮阨

與鞠同

職方

雍州其川涇汭

地理志芮水出右扶風汧縣吳山西

北東入涇詩芮阨雍州川也

今隴州汧原縣

蘇氏曰芮鞠芮

水之外也

郡縣志涇州良原縣有洧水一名宜祿川西自隴州華亭縣流入 傅氏曰康成以為尚

是水內與注禮自相反當以臧方為信

凡伯

孔氏曰畿內國

左傳凡周公之後

春秋凡伯杜氏注汲郡共

縣東南有凡城

郡縣志故凡城在衛州共城縣西二

十里古凡伯國

通典凡伯國在衛州黎陽縣

名見前

周語彘之亂宣王在召公之宮

注避難奔召公公周之支族食邑於召康公

之後穆
公虎

夏后

帝王世紀禹受封為夏伯在豫州外方之南今河南陽
翟是也周書度邑篇武王問太公吾將因有夏之居即

河南是也

孟子注禹號夏后氏后君也禹受禪於君故夏稱后

鬼方

易高宗伐鬼方

毛氏曰遠方也

漢匡衡傳成湯化異俗懷鬼

方

後西羌傳武丁征西戎鬼方竹書紀年周王季伐西
落鬼戎大戴禮帝繫曰陸終氏娶于鬼方氏漢

五行志注鬼方絕遠之地一曰國名文選注世本注曰鬼方於漢則先零戎是也

蠻方

鄭氏曰九州之外不服者

曹氏曰職方氏衛服之外即蠻服禹貢荒服三百里蠻

周語蠻夷要服戎翟荒服

芮伯

鄭氏曰畿內諸侯字良夫書序注芮伯周同姓國在

畿內左傳注芮國在馮翊臨晉縣通典同州馮翊

縣古芮國

地理志臨晉縣芮鄉故芮國夾漆鄭氏曰其地即陝芮城為晉所滅

崧高

毛氏曰山大而高曰崧嶽山之尊者東岱南衡西華北恒堯時姜氏為四伯掌四嶽之祀 郭璞注爾雅曰今

中嶽崧高山蓋依此名 李氏曰申甫四岳之後安得

專指為中嶽凡大而高者皆可名之曰崧 孔子間居

嵩高惟嶽

云

云此文武之德也

魏氏曰人之此心與

天地山川相為流通固也而人物之生又係乎時數清

明之感山川英靈之會祖宗德澤之積

孔氏曰鄭語伯夷能禮於神以

佐堯是掌禮之官故掌四嶽之祀外傳史記特稱伯夷為四嶽由主嶽祀故也齊世家四嶽佐禹有功虞夏之際封於呂或封於申是歷虞夏商而世有國土

甫申

見前

申伯

李氏曰崧高之山在穆王時則生甫侯

詩禮記作甫書與外傳作呂

在宣王時則生申伯朱氏曰甫是宣王時人作呂刑

者之子孫

呂氏曰鄭氏遠取訓夏贖刑之甫侯非也

曹氏曰封於申而職

為侯伯猶名伯也禮記注周道將興五嶽為之生賢

佐仲山甫及申伯孔氏曰按鄭志注禮在先未得毛詩

傳外傳稱樊仲山甫則是樊國之君
必不得與申伯同為嶽神所生

謝見前

南國

南國是式鄭氏曰改大其邑使為侯伯南方之國皆統
理陳氏曰命為州牧也 毛氏曰謝周之南國 林氏

曰宣王之世申伯以王舅大臣為南國屏翰蓋前此申
在王畿之內而宣王始分封之以扞城王室楚經營北
方大氏用荀息之師其君多居于申合諸侯亦在焉秦
漢之際南陽為要地高祖踰宛攻武關張子房曰強秦

在前強宛在後此危道也漢與楚相持常出武關收兵宛葉間光武起南陽以宛首事申即宛也 孔氏曰申

伯先受封於申國本近謝今命為州牧故邑於謝

嚴氏曰申

國在宛謝城在棘陽申謝其地相近孔氏曰申國在南陽宛縣是在洛邑之南

申伯舊是伯爵

今改封之後或進爵為侯周本紀云申侯是申伯子與
孫

郟

孔氏曰郟於漢屬右扶風在鎬京之西岐周之東申在

鎬京之東南自鎬京適申塗不經郿時宣王蓋省視岐

周故饒之於郿 朱氏曰郿在今鳳翔府郿縣

郿縣志本秦縣

今縣東二十五里有故城今縣周天和元年築縣在渭水南一里縣治城南當斜谷

曹氏曰郿

近岐周先王之廟在岐申伯受封則冊命於先王之廟
故王在岐而飲饒於郿江漢言召虎之封亦曰于周受
命

仲山甫

毛氏曰樊侯也

孔氏曰周語樊仲山父諫宣王是為

樊國之君也韋昭云食采於樊左傳王賜晉文公樊邑

則樊在東都畿內

周語樊穆仲

左傳注樊一名陽樊野王

縣西南有陽城

懷州河內縣本野王

晉語王賜公南陽陽樊之

田陽人不服倉葛曰陽有夏商之嗣典有周室之師旅

樊仲之官守

懷州修武縣有南陽城晉語南陽即此

城東方

宋氏曰仲山甫奉使築城于齊

孔氏曰不言祖齊東方齊也

毛氏

曰古者諸侯之居逼隘則王者遷其邑而定其居蓋去

薄姑而遷於臨菑也

地理志瑯琊姑幕縣或曰薄姑後漢注姑幕故城在今密州莒縣東

北古薄姑氏之國括地志薄姑故城在青州博昌縣東北六十里今博興縣左傳注博昌縣北有蒲姑城孔氏曰齊於成王之世乃得薄姑之地

輿地記青州千乘縣有薄姑城

孔氏曰史記齊世

家獻公元年徙薄姑治臨菑當夷王之時與此傳不合

毛氏在馬遷之前其言當有據朱氏曰豈徙於夷王

之時至是始備城郭之守歟臨菑今青州臨菑縣

林氏曰宣王時北有獫狁南有荆楚東有徐夷故式是南邦以申伯城彼東方以仲山甫奄受北國以韓侯其為謀甚悉而犬戎自西作焉夫四隅而防其三有變出於不備之方漢杜欽曰仲山父異姓之臣就封於齊

鄧展注韓詩以為

封於齊此誤耳

韓侯 韓城

左傳韓武之穆也

鄭氏曰姬姓國後為晉所滅
史伯曰武王之子應韓不在

通典

同州韓城縣古韓國

原有韓原

水經注王肅曰涿郡方城

縣有韓侯城

後魏志范陽郡方城縣有韓侯城
曰溥彼韓城燕師所完涿郡乃燕地也又

李氏

有奄受北國之言水經注聖水逕方城縣故城北又東
南逕韓城東引韓奔之言為證梁山恐是方城縣相近
梁山界上之山此亦一說存之以備參考
括地志方城故城在幽州固安縣南十里

梁山

地理志左馮翊夏陽縣故少梁梁山在西北

括地志

在同州韓城縣東南一十九里

爾雅梁晉望注在夏陽西北臨河上蘇氏曰

梁山韓之鎮也

公羊傳河上之山也

禹貢冀州治

梁及岐

曹氏曰禹治水自壺口循梁山而西

水經

河西南逕

梁山原東注原自山東

南至河

九域志山在龍門之南

屠

出宿于屠滴水李氏曰同州鄜谷

今曰

說文鄜在馮

翊郃陽亭

今同州

汾王

鄭氏曰厲王也流于毘毘在汾水之上

時人因以號之猶言莒郊公黎

北公 孔氏曰彘於漢河東永安縣也西臨汾水 蘇氏

曰晉州霍邑是也在汾水之上 郡縣志汾水經霍邑縣西二里周厲王陵在縣

東北二十五里 解頤新語曰晉教訾教其汾王之類乎

燕

王肅曰燕北燕國 董氏曰召公之國

曹氏曰武王子初封於

韓其時召康公封於北燕實為司空王命以燕衆城之

朱氏曰如召伯營謝山甫城齊春秋諸侯城邢城楚

丘之類 地理志薊縣故燕國召公所封 今燕山府括地志燕山

在幽州漁陽縣東南六十里 國都城記云地在燕山之野故國取名焉北燕伯欵始見春秋

百蠻 追貊

補傳曰蠻夷可以通稱北可稱蠻猶西可稱夷也貊為北方之國先聖有蠻貊之說追為北方之國始見於此
毛氏曰因時百蠻長是蠻服之百國也追貊戎狄國

蘇氏曰錫之以追人貊人

鄭氏曰韓侯先祖居韓城為侯伯其州界外接蠻服

孔氏曰北狄亦謂蠻

史記匈奴傳居于北蠻

鄭

志答趙商云九貊即九夷也又秋官貊注征北夷而獲是貊者東夷之種而分居于北故為韓侯所統至漢初其種皆在東北于并州之北無復貊種

漢高祖四年

北貉燕人來致梟騎助漢顏氏注貉在東北方三歸之屬皆貉也藏方氏九貉注北方說文貉北方多種也孔子曰貉之為言惡也爾雅疏狄類曰穢貉鄭氏曰其後追也貉也為

獾狁所逼稍稍東遷

北國

鄭氏曰北面之國 孔氏曰職方氏正北曰并州言受

王畿北面之國當是并州牧也

曹氏曰奄受北國蠻夷而為之侯伯黃氏曰

即封唐戎索也今洛州曲梁赤狄也中山安喜鮮虞國真定鼓國橐城西壘肥國皆白狄也

淮夷

書成王東伐淮夷滅淮夷

孔氏曰周公歸政之明年淮夷奄又叛魯征淮夷作費誓

滅淮夷在成王即政後

陳氏曰淮夷之地不一徐州在淮北徐

州有夷則淮夷之在北者也揚州在淮南揚州有夷則淮夷之在南者也江漢常武二篇同為宣王之詩而同言淮夷召虎既平淮夷而告成于王矣常武又曰鋪敷淮濱仍執醜虜故知淮夷之地不一以地理考之曰江漢之滸王命召虎者是淮南之夷也若在淮北則江漢非所由入之路矣曰率彼淮浦省此徐土者是淮北之

夷也若在淮南則徐土非联接之地矣孔氏曰召公伐淮夷當在淮水之南魯僖所伐淮夷應在淮水之北當淮之南北皆有夷也 後漢東夷傳殷武乙衰敝東夷浸盛遂分遷淮岱漸居中土周公征之遂定東夷厲王無道淮夷入寇王命虢仲征之不克宣王復命召公伐而平之 嚴氏曰周興西北岐豐去江漢最遠故淮夷最難服從化則後享倡亂則先動周人經理淮夷用力最多成王初年淮夷同三監以叛其後又同奄國以叛

伯禽就封又同徐戎以叛至厲王之時四夷交侵宣王
一命吉甫北方旋定繼命方叔伐蠻荆其後又命召公
平淮南之夷又命皇甫平淮北之夷蓋南方之役至再
至三淮夷未平則一方倡亂天下皆危故至淮夷平然
後四方平此江漢常武所以為宣王之終事而繫之宣

王大雅之末也

朱氏曰淮夷夷之在淮上者 孔氏曰
淮水之上東方之夷 費摭注淮浦之

夷 姓纂
有淮夷氏

江漢

鄭氏曰江漢之水合而東流 孔氏曰大別之南漢與江合而東流漢志大別在廬江安豐縣界則江漢合處在揚州之境命將在江漢之上蓋今廬江左右江自廬江亦東北流故順之而行將至淮夷乃北行嚮之也

胡氏曰杜預云禹貢漢水至大別南入江夏界接漢水入江乃今漢陽軍之大別山山之北漢口是也漢口亦曰沔口亦曰夏口江東即鄂州江夏郡也至安豐一千五百里豈江漢相合古今不同哉 呂氏曰胡氏辨江

漢合流既得之矣但去淮夷絕遠於經文頗不合或者
會江漢諸侯之師以伐之歟 嚴氏曰江漢之澣指江
北接淮南之地 林氏曰古者畿兵不出所以重內調
兵諸侯各從其方之便高宗伐楚蓋哀荆旅武王伐商
實用西土至於征徐以魯平淮夷以江漢 陳氏曰江
漢去周最遠不應親臨江漢之遠而始命名虎也謂所
伐之淮夷自江漢之澣而入 嚴氏曰江漢常武之詩
皆以江漢喻王師江漢浮浮喻盛大而不可禦如江如

漢止喻盛大

南海

呂氏曰淮夷在南故極其遠而言之曰至于南海 左
傳楚子曰寡人處南海

于周受命

鄭氏曰岐周 孔氏曰以召祖之故地在岐周岐是周
之所起有別廟在焉 嚴氏曰周當指豐召誥至于豐
注云文王之廟在豐祭統云賜爵祿必於太廟

錫山土
田曹氏

曰召乃康公分陝之采地宣
王又以岐周山川益封召虎

程

毛氏曰程伯休父始命為大司馬

郡國志雒陽

今河南府

洛陽

有上程聚古程國伯休甫之國也

關中有程地帝王世紀文王居

程故此加為上程

楚語重黎氏世叙天地其在周程伯休父

其後也當宣王時失其官守而為司馬氏

氏族略重為火正裔孫封

於程

淮浦 淮瀆

說文浦水濱也 毛氏曰濱厓也

嚴氏曰先征淮夷而後及徐方此兵行猶

未及淮夷而

徐方已震驚

徐土 徐方

孔氏曰徐土當謂徐州之地

朱氏曰徐州之土淮北之夷也徐方徐國亦即此

曹氏曰禹貢徐州東至海北至岱南及淮其地廣人

衆矣若淮夷則東夷之種散處淮浦者爾此先伐淮夷

次征徐國蓋先其小而易者後其大而難者 陳氏曰

徐大而淮夷小淮夷即徐州之夷而服屬於徐曰徐方

者兼徐淮而言之曰徐國者特言於徐戎也

徐國

地理志臨淮徐縣故徐國

嬴姓伯益佐禹有功封其子若木於徐

郡縣

志大徐城在泗州徐城縣北三十里徐子國

淮水西南自虹縣界

流入今徐城省為鎮入臨淮縣 檀弓徐容居曰昔我

先君駒王西討濟於河 後漢東夷傳徐夷僭號率九

夷以伐宗周西至河上穆王畏其方熾乃分東方諸侯

命徐偃王主之偃王處潢池東地方五百里行仁義陸

地而朝者三十有六國穆王使造父御以告楚令伐徐

楚大舉兵而滅之 費誓徐戎孔氏注徐州之戎此戎

夷帝王所羈縻統馭故錯居九州之內秦始皇遂出之

左傳周有徐奄徐戎淮夷二國春秋昭四年會于申

有徐子又有淮夷 曹氏曰宣王北伐玁狁西征羗戎南威蠻荆獨徐方未服今徐方來朝於王庭則四方既平矣 傅氏曰在淮之北者徐戎也在淮之南者淮夷也

日辟國百里

蘇氏曰文王之世周公治內召公治外故周人之詩謂之周南諸侯之詩謂之召南所謂日辟國百里云者言文王之化自北而南至於江漢之間服從之國日以益衆及虞芮質成而其旁諸侯聞之相率歸周者四十餘國焉 陳氏曰風之終繫之以豳雅之終繼之以召旻

豈非化之衰者必思聖人而正之歟

詩地理攷卷四

謹案卷三第六頁後一行自中山西抵瓠口為渠
刊本中山訛山中據漢書溝洫志改

第十一頁後五六行渠水自河與沛亂流東榮澤
北東南分沛刊本沛俱訛沛檢水經注上沛字
亦訛沛今考地理改

第十二頁前六行始擅不昉之利刊本昉訛盼今
改

卷四第四頁後三行東會于澧刊本澧訛澧據禹

貢改

第十頁前四行秦獲晉侯舍諸靈臺刊本舍訛會
據左傳改

第十頁後二行在長安西三十里刊本脫西字三
訛二據三輔黃圖增改

第十一頁後四行豐水出京兆府鄠縣東南刊本
出上行在字今刪

第十三頁前一行故以其地封后稷刊本脫封字

今增

第十三頁後一行幽在雍州原隰之野刊本雍說
府據詩譜改

總校官庶吉士
校對官中書
臣朱炳
騰錄貢生
臣蕭志鴻

總校官庶吉士臣侍朝

校對官中書臣朱炳

騰錄貢生臣蕭志鴻

欽定四庫全書薈要

經部
詩地理攷卷五
六

詳校官原任侍講臣王燕緒



欽定四庫全書薈要卷一千九十九

經部

詩地理攷卷五

宋 王應麟 撰

周頌

鄭氏譜曰周頌者周室成功致太平德洽之詩其作在周文攝政成王即位之初頌之言形容天子之德光被

四表格于上下無不覆燾無不持載此之謂容於是和樂興焉頌聲乃作 禮運曰政也者君之所以藏身也是故夫政必本於天穀以降命命降於社之謂穀地降

於祖廟之謂仁義降於山川之謂興作降於五祀之謂
制度又曰祭帝於郊所以定天位祀社於國所以列地
利祖廟所以本仁山川所以儋鬼神五祀所以本事又
曰禮行於郊而百神受職焉禮行於社而百貨可極焉
禮行於祖廟而孝慈服焉禮行於五祀而正法則焉故
自郊社祖廟山川五祀義之修禮之藏也功大如此可
不美報乎故人君必潔其牛羊馨其黍稷齊明而薦之
歌之舞之所以顯神明昭至德也

洛邑

孔氏曰書傳曰周公將作禮樂優游之三年不能作君子恥其言而不見從恥其行而不見隨將大作恐天下莫我知將小作恐不能揚父祖功烈德澤然後營洛以觀天下之心於是四方諸侯率其羣黨各攻位于庭周公曰示之以力役且猶至況導之以禮樂乎然後敢作禮樂書曰作新大邑于東國洛四方民大和會此之謂也

周書王會曰成周之會

王城既成大會諸侯及四夷也

天子南面立

統無繁露朝服八十物搢珽唐叔荀叔周公在左太公
在右皆統亦無繁露朝服七十物搢笏旁天子而立於
堂上堂下之右唐公虞公南面立馬堂下之左殷公夏
公立馬皆南面統有繁露朝服五十物皆搢笏相者太
史魚大行人皆朝服有繁露堂下之東面郭叔掌為天
子綠幣馬統有繁露內臺西面正北方應侯曹叔伯舅
中舅比服次之要服次之荒服次之西方東面正北方
伯父中子次之方千里之內為比服方二千里之內為

要服方三千里之內為荒服是皆朝於內者堂後東北
北為赤帝焉 作雒篇曰作大邑成周于土中城方千

七百二十丈郭十七里南繫于洛水北因于邾山以為

天下湊

李氏曰鄭氏謂成洛邑居攝五年時孔氏謂朝諸侯在六年按書則周公城洛邑在七年周公

所以朝諸侯者特相成王以朝諸侯而已周公非自居南面受諸侯之朝書大傳諸侯進受命於周公而退見文武之尸者千七百七十三諸侯

高山

朱氏曰高山謂岐山也沈括曰後漢西南夷傳作彼岨

者岐

今按彼書岨但作徂韓子亦云彼岐有岨疑或別有所據呂氏曰大王文王雖往而其岨易可行

之道昭然皆在與山俱存而未嘗亡也

及河喬嶽

淮南子作嶠嶽

范氏曰古者天子巡守至於方嶽以

柴望告祭封禪始於秦古無有也

公羊傳天子有方

望之事無所不通

二王之後

鄭氏曰二王夏殷其後杞宋

括地志汴州

今開封府

雍丘

縣古杞國

宋見前

王會曰殷公夏公 微子孔氏曰
微采地名孔安國曰畿內國 水

經濟水逕微鄉東注云
在東平壽張縣西北

西雝

韓詩薛君章句西雝文王之雍也

言文王之時辟雍學
士皆潔白之人也

王氏曰雝蓋辟廡也辟廡有水鷺所集也 朱氏曰

先儒多謂辟廡在西郊故曰西雝

即旋丘之水其學
即所謂澤宮也

毛氏曰雝澤也 李氏曰杞之地在陳留宋之地在睢

陽其來周也自東徂西

漆沮 見前

毛氏曰岐周之二水 孔氏曰以薦獻所取不宜遠於
京邑故言岐周者鎬京去岐不遠 曹氏曰漆沮之水
上接涇渭下與河通所以多魚

四嶽

孔氏曰諸書皆以岱衡華恒為四嶽爾雅釋山岱泰衡
霍二支不同一山而二名也 曹氏曰言四嶽而不及嵩
高嵩高在王畿之內故也

岱在今襲慶府奉符縣衡在潭州湘潭縣
華在華州華陰縣恒在中山府曲陽縣

允猶翕河

鄭氏曰河言翕者河自大陸之北敷為九祭者合為一

猶圖也皆信按山川之圖而次序祭之

孔氏曰九河之名徒駭太史馬

頰覆釜胡蘇簡潔鉤盤焉津周時齊桓公塞之同為一

春秋保乾圖云移河為界在齊呂填闕入流以自廣

今河間弓高以東至平原焉

盤徃徃有遺處焉

蔡氏曰徒駭河

地理志云滹沱河寰宇記云在滄州

清池許商云在平成

馬頰河

元和志在德州安德州平原南東寰宇記云在棣州滴河北輿地記云即篤

馬河也

覆鬴河

通典云在德州安德州

胡蘇河

寰宇記云在滄之饒安無棣臨津三縣許商云

在東

簡潔河

輿地記云在臨津

鉤盤河

寰宇記云在樂陵東南從德州平昌來輿地記

云在

馬津河

寰宇記云在樂陵東西北流入饒安許商云在馬縣輿地記云在無棣

太史

河

不知所在

漢世近古止得其三唐人集累世積傳之語遂

得其六歐陽忞輿地記又得其一或新河而載以舊名

或一地而互為兩說皆似是而非無所依據漢王橫言

昔天嘗連雨東北風海水溢西南出浸數百里九河之

地已為海水所漸酈道元亦謂九河碣石苞淪於海後

世儒者知求九河於平地而不知碣石有無以為之證

故前後異說 嚴氏曰禹貢河自大陸北播為九河同

為逆河注云同合為一大河名曰逆河然則翕河即逆

河也 蘇氏曰翕河大河受衆水者也 戴氏曰祭先河而後海故以河

為主

魯頌

鄭氏譜曰魯者少昊摯之墟也 帝王世紀少昊邑于窮桑以登帝位徙都曲阜

縣東北六里 國中有大庭氏之庫則大庭氏亦居于茲乎在

周公歸政成王封其元子伯禽於魯 左傳命以伯禽而封於少昊之墟注

曲阜也在魯城內

其封域在禹貢徐州大野蒙羽之野自後政

衰國事多廢十九世至僖公當周之惠襄王時而導伯

禽之法養四種之馬牧於坰野尊賢養士修泮宮崇禮

教十六年會諸侯于淮上東略公遂伐淮夷

孔氏曰經傳無文

二十年新作南門又修姜嫄之廟至於復魯舊制未徧

而薨國人美其功季孫行父請命于周而作其頌文公

十三年太室屋壞初成王以周公有太平制典法之勳

命魯郊祭天三望如天子之禮故孔子錄其詩之頌同

於王者之後問者曰列國作詩未有請于周者行父請之何也曰周尊魯巡守述職不陳其詩至於臣頌君功樂周室之聞是以行父請焉周之不陳其詩者為優耳其有大罪侯伯監之行人書之亦示覺焉

朱氏曰先儒以為時王寢

周公之後比於先代故巡守不陳其詩而其篇第不列於太師之職是以宋魯無風

朱氏曰今

襲慶東平府沂密海等州即其地也成王以周公有大勲勞於天下故賜伯禽之禮樂魯於是乎有頌以為廟樂其後又自作詩以美其君亦謂之頌舊說皆以為伯

禽十九世孫僖公申之時今無所考獨闕宮一篇為僖公無疑耳夫以其詩之僭如此然夫子猶錄之者蓋其體固列國之風而所歌者乃當時之事則猶未純天子之頌若其所歌之事又皆有先王禮樂教化之遺意焉則其文疑若猶可予也况夫子魯人亦安得而削之哉

宋氏曰秦有誓而書亡魯有頌而詩絕 李氏曰周有風魯有頌而春秋為之作 唐氏曰王風而魯頌詩之末也 劉氏曰魯之有天子禮樂殆周之末王賜之

非成王矣昔者魯惠公使宰讓請郊廟之禮於天子

呂氏

春秋云

天子使史角往惠公止之其後在魯實始為墨翟

之學由是觀之使成王之世魯已郊矣則惠公奚請惠公之請也殆由平王以下乎 陳氏曰諸侯之有郊禘東遷之僭禮也故曰秦襄公始於諸侯作西時祠白帝僭端見矣位在藩臣而臚於郊祀君子懼焉則平王以前未之有也魯之郊禘惠公請之也齊桓公欲封禪而晉亦郊鯨皆僭禮也然則春秋何以始見於僖公向者

莊公之觀齊社也曹劌諫曰天子祀上帝諸侯會之受命焉諸侯祀先王先公卿大夫佐之受事焉用見惠公雖請之而魯郊禘猶未率為常也僖公始作頌以郊為夸焉於是四卜不從猶三望是故特書之以其不勝譏譏其甚焉者爾 地理志魯地其民有聖人之教化故孔子曰齊一變至於魯魯一變至於道言近正也 括

地志兗州曲阜縣

漢為魯縣

外城即伯禽所築古魯城

今襲慶府

仙源縣

郡縣志曲阜在縣治魯城中委曲阜長七八里

史記儒林傳高皇帝舉兵誅項籍圍魯魯中諸儒尚講誦習禮樂弦歌之音不絕豈非聖人之遺化好禮樂之

國哉夫齊魯之間於文學自古以來其天性也

世本云周公居

少昊之墟煬公徙魯 史記正義少昊墟即壽丘 皇甫謐云黃帝壽丘在魯城東門之北魯國即曲阜縣

坵野

毛氏曰坵遠野也林外曰坵 郡縣志坵澤俗名連泉

澤在兗州曲阜縣東九里魯僖公牧馬之地 劉公幹

魯都賦曰戢武器於有炎之庫放戎馬於巨野之坵

寰宇記大野在濟州鉅野縣東五里一名鉅野澤爾
雅十藪魯有大野注今高平鉅野縣東北大澤

泮水 泮宮

毛氏曰泮水泮宮之水天子辟廱諸侯泮宮 鄭氏曰
辟廱者築土廱水之外圓如壁四方來觀者均也泮之
言半也泮水者蓋東西門以南通水北無也 朱氏曰
說文曰泮宮諸侯鄉射之宮也西南為水東北為牆康
成以為東西門說文以為東西牆其說不同 程氏曰

春秋凡用民力必書修泮宮復闕宮不書復古興廢為

國之先務如是而用民力乃所當用也 禮器魯人將

有事於上帝必先有事於類宮注郊之學也詩所謂類

宮疏魯以小學為類宮在郊 通典兗州泗水縣有泮

水 九域志襲慶府有泮宮池泮宮臺 水經注靈光

殿之東南即泮宮也在高門直北道西宮中有臺高八

十尺臺南水東西一百步南北六十步臺西水南北四

百步東西六十步臺池咸結石為之詩所謂思樂泮水

也

淮夷

通鑑外紀周襄王八年冬僖公會諸侯于淮上

左傳江臨淮郡

左謀東略未幾遂伐淮夷 李氏曰觀費誓是淮夷世

為魯惠僖十六年會于淮乃齊桓救鄆非是淮夷從僖

公也

孔氏曰禹貢徐州淮夷墳珠則淮夷在徐州也春秋時淮夷病鄆齊桓東會于淮以謀之左傳謂之

東略是淮夷在東國昭四年楚會諸侯于申有淮夷淮夷居淮水之上在徐州之界最近于魯於是霸者使魯獨征之 朱氏曰或謂僖公未嘗有伐淮夷之事此乃頌禱之辭狄彼東南謂淮夷也 嚴氏曰淮夷世為魯

惠未必慕泮宮之化詩人張言泮宮之美以為淮夷亦將來慕也
說文引詩獷彼淮夷韓詩獷彼淮夷

春秋僖十四年杞辟淮夷遷都諸侯城緣陵十六年鄆

為淮夷所病會于淮謀鄆

後漢東夷傳秦并六國淮西夷皆散為民戶左傳昭二

十七年季氏甚得其民

淮夷與之注魯東夷

附庸

王制注小城曰附庸 朱氏曰猶屬城也小國不能自

達於天子而附於大國 王氏曰孟子曰周公之封於

魯為方百里也地非不足而儉於百里而周官以為諸

侯之地方四百蓋特言其國也則儉於百里并附庸言之則為方四百里也 李氏曰顓臾魯之附庸也春秋

之時有邾國亦魯之附庸也鄭氏據明堂位謂封以七百里欲其強於諸國其說不然詩人言大啟爾宇不過諸侯方百里居上等 春秋無駭入極附庸小國取鄆取邾附庸國 皇甫謐

言武王伐紂之年夏四月乙卯祀於周廟將率之士皆封諸侯國四百人兄弟之國十五人同姓之國四十人

魯世家武王既克殷封周公於少皞之墟

曲阜

書大

傳周公封以魯身未嘗居魯也

戎狄

朱氏曰西戎北狄 春秋公會戎于潛隱二 公追戎于

濟西

莊十年

史記戎狄是膺

孟子言周公方且膺之黃氏曰春秋所記凡魯之

自主兵者皆邾莒項之小國至於所伐大國皆齊晉主兵則膺戎狄懲荆舒僖公果有是乎 吳氏曰公車千乘止則莫我敢承考其誼為周公魯公設簡編錯亂當與土田附庸為連文蓋詩人言成王命周公建元子于魯錫之以山川土田附庸有千乘之賦有三軍之衆使之膺戎狄懲荆舒也不然孟子引此詩何以云周公膺

乎之

荆舒 見前

鄭氏曰僖公與齊桓舉義兵北當戎與狄南艾荆及羣舒天下無敢禦也 孔氏曰僖四年經書會齊侯伐楚楚一名荆羣舒又楚之與國故連言荆舒其伐戎狄則無文 史記荆荼是懲

泰山

說苑泰山巖巖魯侯是瞻 孔氏曰泰山在齊魯之界魯之望也 李氏曰禹貢海岱徐州之地泰山乃其境

史記泰山之陽則魯其陰則齊 郡縣志泰山一曰

岱宗在兗州乾封縣西北三十里

今奉符縣

春秋猶三望

鄭氏謂海岱淮 公羊傳祭泰山河海

職方氏兗州山鎮曰岱山

龜蒙

孔氏曰定十年齊人來歸鄆謹龜陰之田謂龜山之北
田也論語顓臾為東蒙主謂主蒙山也魯之境內有此
二山故言奄有 曹氏曰鄒之龜山費之東蒙 郡國

志泰山博縣有龜山

今襲慶府奉符縣博縣北十五里

水經注山在郡縣志在兗州

泗水縣東北七十五里 孔子有龜山操

地理志蒙山在泰山蒙陰縣西

南

郡縣志在沂州費縣西北十里 東蒙山在費縣西北七十五里 蒙山在沂州新泰縣東南八十八里

書曰蒙羽其藝

寰宇記蒙山在海州懷仁縣北七十里

五里

括地志在沂州臨沂縣

唐六典注在費縣

輿地記蒙陰縣故城在新泰縣東南

大東 海邦

鄭氏曰大東極東也海邦近海之國 孔氏曰僖公之

時東方小國見於盟會唯邾莒滕杞而已 爾雅東至

於泰遠東至日所出為太平

爾雅注遂
憮大東

鳧繹

郡縣志鳧山在兗州鄒縣東南三十八里嶧山一名鄒

山在鄒縣南二十二里

地理志嶧山在魯國駟縣北禹貢徐州嶧陽孤桐謂嶧山之

陽左傳邾文公卜遷于繹杜氏注繹邾邑魯國鄒縣

北有嶧山水經注鄒山所謂嶧山邾文公所遷城鄒

山之陽依巖岵京相璠曰繹邑依嶧山為名山東西二

十里南北十三里高秀獨出積石相臨殆無土壤石間

多孔隙洞達相通秦始皇觀禮於魯登嶧山之上命李

斯勒銘太史公北涉汶泗講業齊魯之都觀孔子之遺

風鄉射鄒嶧今按鳧嶧在邾地亦頌禱之辭鄒山

記曰鄒山古之嶧山魯穆公改為鄒山嶧陽猶多桐樹

春秋宣十

年伐邾取繹

徐宅

朱氏曰宅居也謂徐國 曹氏曰鳧繹二山在鄒之北
本徐州之地而魯宅之 李氏曰僖公十五年楚國伐
徐是徐為楚所服豈為僖公服乎

蠻貊

孔氏曰南夷之蠻

後漢傳平王東遷蠻侵暴中國潁首
以西有蠻氏之戎春秋伐蠻子在河

南新城
東南

傅氏曰東夷之貊

後漢傳有貊耳小水貊濊
貊之屬孔氏曰魯僖之時

貊近魯說文南方蠻從虫東
貉從豸職方氏八蠻九貉

南夷

毛氏曰荆楚也

傳氏曰上已言荆舒此南夷是南蠻也
上所謂蠻貊亦東方諸種
嚴氏曰莫

不率從非
願之之辭

常許

毛氏曰魯南鄙西鄙 孔氏曰常為南鄙許為西鄙

鄭氏曰常或作嘗在薛之傍春秋莊三十一年築臺於
薛是與周公有常邑六國時齊有孟嘗君食邑於薛

史記

正義嘗邑在薛國之南 九域志淄州薛邑城孟嘗君
所食之地 地理志魯國有薛縣 闕曰闕

許許田也魯朝宿之邑 孔氏曰桓元年鄭伯以璧假
許田杜氏注成王營王城有遷都之志故賜周公許田
以為魯朝宿之邑後世因而立周公別廟其地近鄭故
鄭人易之許田近許之田 劉氏曰許田魯本受封之
地居常與許是也地名與國同者魯多有之莊公築臺
于許秦築臺于薛豈真近秦近薛哉魯自地名許田

括地志許田在許州許昌縣南四十里有魯城周公廟

在其中

九域志潁昌府許田
縣省為鎮入長社縣

朱氏曰常許皆魯之故

地見侵於諸侯而未復者故魯人以此願僖公也

徂來

郡縣志徂來山亦曰尤來山在兗州乾封縣

今奉符縣

後

漢志博尤來山注博城縣有徂來山一名尤來

水經注鄒山記

曰徂來山在兗州梁父奉高博城三縣界今猶有美松赤眉樊崇保此山自號尤來三老後魏地形志泰山郡梁父縣有徂來山在北輿地廣記唐省梁父入博城今奉符縣通典梁父故城在泗水縣地

新甫

後魏志魯郡汶陽縣有新甫山

通典漢汶陽故城在兗州泗水縣東南

九域志襲慶府有新甫田

商頌

鄭氏譜曰商者契所封之地有妣氏之女名簡狄者吞
乙卯而生契堯之末年舜舉為司徒有五教之功乃賜
姓而封之世有官守十四世至湯則受命伐夏桀定天
下後世有中宗者嚴恭寅畏天命自度治民祇懼不敢
荒寧後有高宗者舊勞于外爰泊小人作其即位乃或
諒闇三年不言言乃雍不敢荒寧嘉靜殷邦至于小大

無時或怨此三王有受命中興之功時有作詩頌之者
商德之壞武王伐紂乃以陶唐氏火正闕伯之墟封紂
兄微子啟為宋公代武庚為商後其封域在禹貢徐州
泗濱西及豫州盟豬之野自後政衰散亡商之禮樂七
世至戴公時當宣王大夫正考父者校商之名頌十二
篇於周太師以那為首歸以祀其先王孔子錄詩之時
則得五篇而已乃列之以備三頌著為後王之義監三
代之成功法莫大於是矣問者曰列國政衰則變風作

宋何獨無乎曰有焉乃不錄之王者之後時王所容也
巡守述職不陳其詩亦示無貶黜客之義也又問曰周
太師何由得商頌曰周用六代之樂故有之 書序自

契至成湯八遷孔氏曰契居商昭明居砥石相土居商

丘湯居亳見經傳有四其四未聞

商在商州商洛縣砥石或曰即砥柱在陝

州陝縣商丘在應天府宋城縣亳在應天府穀熟縣西南三十五里

盤庚曰不常厥邑

于今五邦孔氏注湯遷亳

湯即位居南亳後徙西亳在河南府偃師縣西十四里本

帝嚳之墟仲丁遷囂

滎陽故城在鄭州滎澤縣西南七十里殷時教地

河亶甲居相

在相州內黃縣
東南十三里

祖乙居耿

在絳州龍門縣東
南十四里耿城

并盤庚遷

都殷為五邦

三代世表盤庚徙河南
地志云盤庚都偃師西亳

括

蔡氏曰以下

文今不承于古攷之盤庚之前當自有五遷史記言祖

乙遷邢或祖乙兩遷也

通典在邢州

史記云武乙去亳徙河

北世紀帝乙徙朝歌

在衛州衛縣
今并入黎陽

三亳

皇甫謐曰二
在梁國一在

河洛之間穀熟為南亳湯所都也蒙為北亳亦曰景亳
湯所受命也偃師為西亳盤庚所遷也黃氏曰三亳

南亳北亳亳殷也南亳今應天府穀熟縣北亳拱州考
城縣亳殷河南偃師縣補傳曰湯始居西亳次居北

亳最後居南亳三亳皆湯所居書曰商
書頌曰商頌本契之始封而稱之也

蘇氏曰商詩

駿發而嚴厲商人之風俗在此故其後世有以自振於
哀微

宋

地理志梁國睢陽縣故宋國微子所封

今應天府
宋城縣

本闕

伯之墟 左傳商主大火不利子商自根牟至于商衛

宋商後謂宋為商
釋例曰商宋一地

孔氏曰商頌五篇由宋而後得存

故鄭為譜因商而又序宋 朱氏曰太史公云宋襄修
仁行誼欲為盟主其大夫正考父美之故追道契湯高

宗之所以興作商頌蓋本韓詩之說諸儒多惑之者今考此頌皆天子之事非宋所有且其辭古奧亦不類周世文而國語閔馬父之言亦與今序合

樂記商者五帝之遺聲也商人

識之故謂之商注商宋詩也

韓詩序曰那美襄公也

法言曰正考甫嘗晞尹吉甫矣

揚子謂正考甫作

商頌韓退之亦云夫子次列國之風而宋魯獨稱頌

生商

殷紀契封於商 鄭氏曰商國在太華之陽 皇甫謐

曰在上洛商縣

漢屬弘農郡

括地志商州城八十里商洛

縣本商邑古之商國高所封 國語玄王勤商十四世而興 李氏曰生契謂之商者契於商也 補傳曰地有商山因是得名

殷土

鄭氏曰湯始居亳之殷地 孔氏曰殷是亳地之小別 書序盤庚將治亳殷注商家改號曰殷 周氏曰商人稱殷自盤庚始自此以前稱商自盤庚既都亳於是殷商無稱故單稱殷 補傳曰殷以澱水得名

九有 九圍

毛氏曰九州也 孔氏曰九分天下各為九處規圍然
故謂之九圍 易氏曰殷人九州之制不見於經傳是
以後世莫詳焉爾雅云兩河間曰冀州河南曰豫州河
西曰豳州漢南曰荊州江南曰揚州濟河間曰兗州濟
東曰徐州燕曰幽州齊曰營州其九州之名與夫疆域
所至與舜典異又與禹貢異後世皆莫得其說先儒以
為殷制其說誠然由今攷之有舜之幽營徐而無舜之

青梁并是青入於徐梁入於幽并入於冀也既分禹貢冀州之境而復舜之幽州又併青與徐而復舜之營州殷之九州粲然可考而其山川道里亦以類舉至周人則又分冀為并而併營於幽復禹之青州而省徐以入於青 孔氏曰爾雅九州之名孫炎以與禹貢不同於周禮又異故疑為殷制亦無明文地理志云殷因於夏無所變改 王制注殷湯更制中國方三千里之界分為九州而建千七百七十三國 小雅率土之濱 孔

氏曰謂中國為九州者以水中可居曰洲居民之外皆

有水也 韓詩奄有九域

薛君曰九州也 說文昔堯遭洪水民居水中高土故曰

九州

邦畿千里

王制注縣內夏時天子所居州界名也殷曰畿詩邦畿千里周亦曰畿 孔氏曰殷周稱畿唐虞稱服周禮大司馬九畿方千里曰國畿職方氏九服方千里曰王畿易氏曰禹之五服王畿在內職方氏王畿不在九服

之內 漢志殷周因井田而制軍賦地方一里為井井
十為通通十為成成方十里十成為終十終為同同方
百里同十為封封十為畿畿方千里

提封百
萬井

景員維河 陟彼景山

朱氏曰景山名商所都也春秋傳曰商湯有景亳之命
員與幅幘義同蓋言周也維河大河也言景山四周皆
大河也 陟彼景山蓋商所都之山衛詩亦言景山乃
商舊都 補傳曰景山商都之望也商都帶河盤庚所

謂惟涉河以民遷是也今亳有景山故曰景亳 括地
志宋州北五十里大蒙城為景亳湯所盟地因景山為
名 九域志亳城古景亳也本帝營之虛湯都之書云
湯始居亳從先王居在應天府 嚴氏曰自湯至盤庚
五遷亳囂皆在河南相耿皆在河北自盤庚之後傳三
世至武丁又傳四世至庚丁之子武乙始去亳徙河北
此詩言河正謂亳寰宇記景山在應天府楚丘縣北三

十八里

高四丈今
屬拱州

禹敷下土方

朱氏曰下土方絕句楚辭天問禹降省下土方蓋用此語書序帝釐下土方設居方釋文曰一讀至方字絕句幅幘既長徐氏曰自直方言之曰幅自周圍言之

曰幘曹氏曰猶云廣輪

有娥

毛氏曰有娥契母也離騷經曰見有娥之佚女注有娥國名契母簡狄也呂氏曰春秋有娥氏有二佚女

為九成之臺佚美也淮南子有城在不周之北長女簡翟

古今人表簡邊

少女建疵史記云又桀敗於有城之墟當在蒲

州今河

中府

朱氏曰舊說有城國在不周之北恐不應絕

遠如此

韋顧

鄭語祝融其後八姓已姓昆吾顧彭姓豕韋左傳注

東郡白馬縣有韋城郡國志有韋鄉

通典滑州韋成縣古豕

韋國郡縣志顧城在濮州范縣東二十八里寰宇記在縣東

南夏之顧國

古今人表韋鼓鼓即顧

故莘城在汴州陳留縣東北

三十五里古莘國地湯伐桀桀與韋顧之君拒湯於莘之墟遂戰於鳴條之野 呂氏春秋湯立天子商不變肆親鄰如夏

昆吾

郡國志東郡濮陽縣古昆吾國

通典濮州濮陽縣即

昆吾之墟亦曰帝丘 括地志濮陽縣古昆吾國故城

縣西三十里昆吾臺在縣西百步在顓帝城內周迴五

十步高二丈即昆吾虛也

漢陽今屬開德府

鄭語昆吾為夏

伯韋氏注昆吾祝融之孫陸終第一子名樊為己姓封於昆吾昆吾衛是也其後夏哀昆吾為夏伯遷於舊

許傳曰高祖伯父昆吾舊許是宅

左傳衛侯夢于北宮見人登昆吾

之觀杜氏云衛有觀在古昆吾之虛今濮陽城中 鄭

氏曰湯先伐韋顧克之昆吾夏桀則同時誅也 孔氏

曰昭十八年二月乙卯周毛得殺毛伯過萇弘曰是昆

吾稔之日也言昆吾以乙卯日亡與桀同日誅也故檀

弓注云桀以乙卯日亡 寰宇記解州安邑縣有昆吾

亭蓋湯伐桀之時昆吾以兵助桀同時而滅故有亭非

國於此也 郡國志河東安邑有昆吾亭湯伐桀戰處

朱氏曰三葉韋顧昆吾

漢書注邑有三耕

夏桀

吳起曰夏桀之居左河濟右泰華伊闕在其南羊腸在

其北 寰宇記禹自安邑都晉陽桀徙安邑

郡縣志安邑故城在

陝州夏縣東北十五里禹所都也

書序孔氏注桀都安邑湯升道徙

陟陟在河曲之南戰於鳴條之野地在安邑之西 寰

宇記解州安邑縣東北七十五里有鳴條陌而在縣北

二十里 郡縣志高堠原在安邑縣北三十里原南坂

口即古鳴條陌也戰地在安邑西桀走保三臞今定陶

也 三臞亭在曹州濟陰縣東北四十九里 桀自安邑東入山出太行東南

三十里有陌山 傅氏曰河曲即蒲坂後改河東

荆楚

毛氏曰荆州言楚國也 孔氏曰周有天下始封熊繹為楚子於武丁之世不知楚君為

何人 補傳曰或者為周成王始封熊繹於荆至周惠王之時魯僖公元年始有楚號遂疑商時未有荆楚乃欲

假此以實韓氏宋襄公之說殊不思荆自帝嚳九州已有九州之名至禹貢分荊州之荆也詩人以有二荆故以荆楚別荆岐耳既自古有荊孰謂周封熊繹始有荊哉

蘇氏曰易曰高宗伐鬼

方三年克之蓋謂此與書大傳武丁側身修行三年

之後諸侯以重譯來朝者六國采入其阻箋云謂踰

方城之隘

方城山在唐州方城縣東北五十里左傳楚國方城以為城

太史公曰

夫荆楚僥勇輕悍好作亂乃自古記之矣呂氏曰楚

之於中國自商以來迭為盛衰春秋正義荆楚一木

二名故以為國號亦得二名莊公之世經皆書荆僖之

元年乃書楚人伐鄭蓋始改為楚

氐羌

鄭氏曰夷狄國在西方 後漢西羌傳云武丁征西戎

鬼方三年乃克故其詩曰自彼氐羌莫敢不來王 賈

捐之曰武丁成王殷周之大仁也然地東不過江黃西
不過氐羌南不過荆蠻北不過朔方是以頌聲並作

通鑑外紀成湯 云云 海外肅慎北發渠搜氐羌來服

地理志隴西郡有氐道羌道 郡縣志夏桀之亂犬夷

入居岐邠之間成湯伐而攘之武王伐商羌髡會于牧

野 括地志隴右岷洮叢等州西羌也 曹氏曰商居

河洛之間則荆楚乃國之南鄉而已非若氏羌之極遠

也成湯之時氏羌之國近者以時聘享遠者亦來終王

氏羌自謂此商之典常也荆楚豈得獨廢之邪日祭月

祀時享歲貢終王此所謂典常也 漢志顏師古注氏夷種名也羌即西域媯

羌之屬也 孔氏曰氏羌之種漢世仍存其居在秦隴之西

黃氏曰羌本姜姓三苗之後居三危今疊宕松諸州

皆羌地 說文西方羌從羊 爾雅疏戎類曰者羌

山海經伯夷父生西岳西岳生先龍先龍是始生氏羌
氏羌乞姓

商邑

朱氏曰商邑王都也極中之表也 周禮疏堯治平陽

舜治安邑唯湯居亳得地中 史記昔唐人都河東殷

人都河內周人都河南三河在天下之中若鼎足王者

所更居也 韓詩京師翼翼四方是則

孟子武丁朝諸侯有天下猶運

之掌也

詩地理攷卷五

欽定四庫全書薈要卷一千一百

經部

詩地理攷卷六

宋

王應麟

撰

序

大庭

帝王世紀神農氏營曲阜故春秋稱魯大庭氏之庫
水經注魯縣即曲阜之地少昊之墟有大庭氏之庫
劉公幹魯都賦曰戢武器於有炎之庫

兗州今襲慶府仙源縣

虞

括地志故虞城在陝州河北縣

今平陸縣

東北五十里虞山

之上 皇甫謐曰堯以二女妻舜封之於虞今河東大

陽山虞城是

有夏

世紀禹受封為夏伯今河南陽翟是也 地理志潁川

郡陽翟夏禹國

今屬潁昌府

商

見前

周

見前

陶唐

郡縣志曹州定陶故城堯所居也堯先居唐故曰陶唐

氏 世紀堯始封於唐今中山唐縣定州書惟彼陶唐

有此冀方正義云堯都平陽今晉州臨汾縣

五霸

左傳五伯之霸也注夏伯昆吾商伯大彭豕韋周伯齊

桓晉文或曰齊桓晉文宋襄秦穆楚莊昆吾豕韋見前大彭郡縣志徐

州彭城縣古

大彭氏國

共和

古史共伯和者厲王時之賢諸侯也諸侯皆徃宗焉因以名其年謂之共和凡十四年按汲冢紀年共伯和干王位故曰共和 左傳王子朝奔走告于諸侯曰厲王戾虐萬民弗忍居于彘諸侯釋位以間王政宣王有志而後效官則厲宣之間諸侯有去其位而代王為政者矣 莊子曰共伯得乎丘首釋文云共山在河內共縣西魯連子云共伯後歸于國得意共山之首 郡縣志

衛州共城縣本周共伯國共伯奉王子靖立為宣王共伯復歸于國

周南 召南

雍州岐山之陽

見前

美陽縣

地理志右扶風美陽縣禹貢岐山在西北中水鄉周大
王所邑 郡縣志鳳翔府扶風縣本漢美陽縣地武德
三年分岐山縣置圍川縣貞觀八年改為扶風 續漢

志美陽縣有周城在縣西北南有周原

江漢汝

見前

雍梁荆豫徐揚

論語集注天下歸文王者六州惟青兗冀尚屬紂

豐

見前

周召之地

見前

周公封魯召公封燕元子世之其次子亦世守采
地在王官

魯燕

見前

宣王時召穆公虎春秋時周公黑肩閱召

伯真盈

名公采邑在孟州王屋縣周公采邑未詳雍縣東北之周城春秋時已屬秦

徐吳楚江黃六蓼邾滕紀莒

徐國

泗州臨淮縣徐城鎮

吳國

平江府吳縣

楚國

初都丹陽今歸州秭歸縣東南七里後徙

枝江今江陵府枝江縣

江國

在汝南安陽縣安陽故城在蔡州新息縣西

黃

國

在汝南弋陽縣今光州定城縣

六國

廬江六縣故城在安豐軍安豐縣南百三十里臯繇所封

蓼

國

在安豐縣

邾國

襲慶府鄒縣

滕國

徐州滕縣西南十四里滕城

紀國

青州壽光縣有

故莒國

密州莒縣

邾鄆衛

大行

述征記大行山首始於河內

郡縣志在懷州河內縣北二十五里修武縣北四十

二里武德縣北五十里

自河內北至幽州凡有八陁

衡漳

禹貢注漳水橫流入河謂之衡漳

衡古橫字

薛氏曰濁漳

出潞州長子縣東至磁州武安縣入清漳清漳出平定

軍樂平縣合虜池易水東北至滄州清池入海清漳即

衡水也 易氏曰洺州洺水縣本漢斥漳縣地屬廣平

國有衡漳故瀆俗名阿難渠在縣西二百步

兗州桑土之野

禹貢兗州桑土既蠶注云其地尤宜蠶桑因以名之蔡氏曰兗地宜桑後世之濮上桑間猶可驗孔氏曰今濮水之上地有桑間濮陽在濮水之北是有桑土樂

記注桑間在濮陽南

今開德府濮陽縣

三監管叔蔡叔霍叔 紂城

管鄭州管城縣

蔡蔡州上蔡縣

霍晉州霍邑縣

紂城括地志紂都朝歌故城在衛州東北七十三里朝

衛縣今省

入黎陽
為鎮

王

周東都王城

郡縣志河南府禹貢豫州之域在天地之中故三代皆為都邑陽翟夏城禹都也偃師西亳湯都也周成王定鼎於郊鄘使召公先相宅乃卜澗水東灋水西是為東

都今苑內故王城是也又卜灑水東召公徃營之是為成周今河南府故洛城是也續漢志河南周公所城

雒邑也春秋時謂之王城東城門名鼎門北城門名乾

祭

帝王世紀曰河南城西有郊鄆陌

雒陽縣周時號成周

地道記曰王城去雒城四

十里

豫州太華外方之間北得河陽漸冀州之南

郡縣志太華山在華州華陰縣南八里嵩高山在河南府登封縣北八里亦名外方山河陽縣南城在縣西四

面臨河即孟津之地亦謂之富平津唐屬河南府冀州

之南河內襄王以河內賜晉文公

鎬京 宗周 西都 豐 洛邑 王城今河南

成周今洛陽並見前

申 犬戎 戲

申國今鄧州南陽縣 犬戎周語穆王將征犬戎注西

戎之別名在荒服漢匈奴傳隴以西有畎戎 戲郡縣

志古戲亭在京兆府昭應縣本周驪戎國秦為驪邑漢改新豐唐改昭應今臨潼

縣東北三十里周幽王為犬戎所逐死於戲幽王陵在縣東北二十五里

鄭

宗周畿內咸林之地今京兆鄭縣

郡縣志古鄭城在華州鄭縣西北二里

漢屬京兆後魏置東雍州改為

華州鄭縣其地一名咸林世本桓公居咸林宋忠云舊地

名封桓公乃名為鄭史記魏築長城自鄭濱洛今州東南三里魏長城是也秦紀武公十一年初縣鄭

濟洛河潁之間 號郟 鄆蔽補丹依疇歷華君

之土也 取十邑之地 右洛左濟 前華後河

食溱洧焉 今河南新鄭

鄆音偃

濟水在孟州濟源縣西北三里

本軹縣屬河內

平地而出有二

源東源周回七百步深不可測西源周回六百八十五

步深一丈源出王屋山山海經云王屋之山澗水出焉

郭璞注云澗沆水之源沆水出王屋縣王屋山東流至

濟源縣而名濟水又南流一百二十里而入于河孔安

國云濟水入河並流十數里而南截河又並流數里而

溢自溢處又東南流二百三十里至鄭州滎澤縣

本漢滎陽

縣地洛水出商州洛陽縣西冢嶺山東北流至河南府

鞏縣會伊瀍澗之水東經洛汭北對郎渚謂之洛口亦

名什谷而入河河東流經鞏縣又東流孟州汜水縣

本成臯縣一名虎牢 潁水出河南府陽城縣乾山

乾音干

自汝州襄城縣流入潁昌府長社縣自長社流入臨潁

縣自順昌府汝陰縣流入潁上縣至壽春府下蔡縣入

淮 韋昭注四水之間謂左濟右洛前潁後河

濟本作沛音姊

虢東虢虢仲之後水經注索水東逕虢亭南應劭曰

滎陽故虢之國

今鄭州

郡縣志孟州汜水縣古東虢國鄭

之制邑漢之成臯縣一名虎牢

襄二年諸侯城虎牢十年諸侯城虎牢而戍之

史記注徐廣曰虢在成臯左傳注虢今滎陽 鄆周語

鄆由叔妘是水利離親者也

詩作檜見前

鄆國語鄆之亡

也由仲任

注鄆妘姓之國為鄭武公所滅

春秋鄭伯克段于鄆漢地理

志陳留郡鄆縣應劭曰克段于僞是也郡縣志故鄆城

在宋州寧陵縣

今屬拱州

南五十三里漢馮縣鄭伯克段於

此史記韓世家秦伐敗我鄆

蔽補丹依

未詳

疇國

語作噪

周語摯疇之國也由大任注摯疇二國任姓

歷 未詳

華水經注

黃水東南流經華城西韋昭曰華國名史記秦昭王二

十四年白起攻魏拔華陽走芒卯司馬彪曰華陽在密

縣

今屬鄭縣亭名

史記正義故華城在鄭州管城南三十里

詩正義云八國韋昭注云八邑

前華後河鄭語曰前

莘後河注莘莘國也郡縣志故莘城在汴州陳留縣東

北三十五里古莘國 漆洧郡縣志漆水源出鄭州新

鄭縣西北三十里平地洧水縣西北二十里灌潁渠

見

前鄭語主芣騶而食漆洧

注芣騶山名主為神主食謂居其土食其水郡縣志大騶

山在河南府密縣東南五十里本具茨山黃帝見大隗於具茨故亦謂大騶

新鄭郡縣志

新鄭縣本有熊氏之墟又為祝融之墟於周為鄭武公

之國都韓哀侯滅鄭自平陽徙都之秦為潁川郡漢為

新鄭縣屬河南郡隋重置屬鄭州 鄭語史伯對曰王

室將卑戎狄必昌不可偪也當成周者

維

南有荆蠻申

呂應鄧陳蔡隨唐北有衛燕翟鮮虞潞洛泉徐蒲西有
虞虢晉隗霍楊魏芮東有齊魯曹宋滕薛鄒莒是非王
之支子母弟甥舅也則皆蠻荆戎翟之人也非親則頑
不可入也公曰南方不可乎對曰荆重黎之後也若周

哀其必興矣姜嬴荆芊實與諸姬代相干也

姜齊姓嬴秦姓芊楚

姓公曰謝西之九州何如

謝宣王之舅申伯之國也今在南陽謝西有九州一千五

百家曰州後漢志棘陽縣東北一百里有謝城

對曰其民沓貪而忍不可因

也惟謝邲之間

邲南謝北虢鄩在焉邲後屬縣鄭哀楚取之傳曰邲教葬邲是也郡縣志

邾城縣本鄭地屬汝州

其冢君驕侈其民怠沓其君而未及周德

是易取也且可長用也公曰若周衰諸姬其孰興對曰
其在晉乎 幽王八年而桓公為司徒九年而王室始
騷十一年而斃及平王末而秦晉齊楚代興

齊

爽鳩氏之墟

左傳晏子曰昔爽鳩氏始居此地

少皞氏之司寇

季荊因之

虞夏

諸侯有逢伯陵因之

殷諸侯

蒲姑氏因之

殷周之間代逢公博昌縣北有蒲

姑城 郡縣志薄姑故城在青州博昌縣東北
六十里今博興縣 齊世家胡公徙都薄姑 而後太

公因之 地理志成王時薄姑氏與四國共作亂成王
滅之以封師尚父

營丘

地理志齊郡臨淄縣師尚父所封臣瓚曰臨淄即營丘
也今齊之城中有丘即營丘 郡縣志營丘在青州臨
淄縣北百步外城中爾雅曰水出其前經其左曰營丘
今臨淄城中有丘淄水出其前經其左故曰營丘

九畿

大司馬九畿方千里曰國畿其外侯甸男采衛蠻夷鎮

藩畿言其
有界畫

東至于海

吳公子札曰表東海者其太公乎 地理志太公以齊

地負海爲鹵通魚鹽之利 漢田肯曰齊東有琅琊即

墨之饒瑯琊密州東至大海一百六十里即墨縣屬萊

州海在縣東四十三里又在縣南百里即墨故城在膠

水縣東南六十里 齊語通魚鹽於東萊 爾雅十藪
齊有海隅 齊世家自泰山屬之琅邪北被于海

西至于河

春秋正義九河故道河間成平以南平原高縣以北徒
駭最西以次而東齊之西竟當在九河之最西
徒駭齊之西界

寰宇記在
滄州清池

南至于穆陵

郡縣志穆陵山在沂州沂水縣一百九十里

北至于無棣

郡縣志滄州鹽山縣本齊無棣邑漢置高城縣屬渤海
郡隋改鹽山無棣河在饒安縣南二十里無棣縣隋置
以南臨無棣溝為名

岱山之陰濰淄之野 紀侯

史記泰山之陽則魯其陰則齊齊帶山海膏壤千里

禹貢海岱惟青州東北據海西南據岱岱即泰山也

在兗

州

左傳晉伐齊東侵及濰 禹貢青州濰淄其道濰

水出密州莒縣濰山北東至青州博興縣

本博昌

入海淄

水出淄州淄川縣原山東至青州壽光縣

博昌故城

入濟

紀侯見前齊語桓公正封疆東至于紀鄆

魏

虞舜夏禹所都之地

舜都蒲坂

河中府河東縣

禹都平陽

晉州臨汾縣

安邑

陝州夏縣

孔氏曰

魏皆近之

冀州雷首之北析城之西

郡縣志雷首山一名中條山在河中府河東縣南十五

里陝州

今屬解州

安邑縣南二十里析城山在河南府王屋

縣

今屬孟州

西北六十里峰四面其形如城有南門焉故曰

析城在澤州陽城縣西南七十五里

南枕河曲北涉汾水

地理志魏國在晉之南河曲故詩曰彼汾一曲寘諸河

之側左傳秦伯師于河西魏人在東

今河北縣於秦為在河之東

水經河水又東永樂澗水注之

注水北出于薄山南流逕河北縣故城西

故魏國今河
中府永樂縣

汾水出太原汾陽縣北管涔山

今憲州靜樂縣

西

過皮氏縣南

河出府龍門縣

又西至汾陰縣北西注于河

河中府榮

河
縣

舜耕於歷山陶於河濱

郡國志河東蒲坂有雷首山注縣南二十里有歷山舜
所耕處 括地志蒲州河東縣雷首山亦名歷山南有
舜井 郡縣志媯汭水源出河東縣南雷首山州城即
蒲坂城也城中有舜廟城外有舜宅及二妃壇故陶城

在縣北四十里 尚書大傳曰舜陶於河濱 括地志
陶城在縣北三十里

與秦晉鄰國日見侵削

孔氏曰西接於秦北鄰於晉 左傳桓三年芮伯萬出
居于魏四年王師秦師圍魏執芮伯以歸閔元年晉侯
滅魏

唐

帝堯舊都 太原晉陽是堯始都此後乃遷河東

平陽

地理志太原晉陽縣故詩唐國河東平陽縣堯都也在
平河之陽 帝王世紀帝堯始封於唐今中山唐縣是
也堯在焉唐水在西北入唐河後又徙晉陽及為天子
都平陽於詩風為唐國 晉陽漢太原郡所治龍山在
西北晉水所出北齊分晉陽置龍山縣隋開皇十年改
龍山曰晉陽而以古晉陽為太原縣自北漢劉氏以前
郡治太原晉陽二縣太平興國四年王師下北漢徙州

治陽曲縣

本漢狼孟縣地

而空其故城

通志今平定軍有古晉陽城是其地

平

陽隋改平河縣屬晉州又改臨汾

堯廟在縣東八里汾水東

成王封叔虞於堯之故墟曰唐侯南有晉水至子
變改為晉侯

郡縣志太原府本高辛氏之子實沈又金天氏之子臺
駘之所居也又為唐國帝堯為唐侯所封又為夏禹所
都

帝王世紀禹自安邑都晉陽

周成王以封弟叔虞

晉水源出晉

陽縣西南懸甕山東入汾水經注曰出懸甕山東過其

縣南智伯邊晉水灌晉陽城 故唐城在晉陽縣北二

里堯所築唐叔虞之子燮父徙都之所 晉祠一名王祠
叔虞祠也在縣

西南十

二里

冀州太行恒山之西太原太岳之野

太行山連亘河北諸州為天下之脊 郡縣志恒山在

定州恒陽縣北百四十里 今中山府
曲陽縣 太原臺駘之所

居晉荀吳敗狄于大鹵中國以高平曰太原夷狄曰大

鹵其實一也秦初置太原郡治晉陽即太原 見前 太

岳郡縣志霍山一名太岳在晉州霍邑縣東三十里禹
貢壺口雷首至于太岳鄭玄注曰今河東彘縣霍太山

是也

霍邑本
彘縣

成侯南徙居曲沃近平陽

左傳注曲沃在河東聞喜縣

晉別封成
師之邑

聞喜縣唐屬

絳州

今屬
解州

穆侯又徙於絳

郡縣志故翼城在絳州翼城縣東南十五里晉故絳都

也

秦

秦者隴西谷名 近雍州鳥鼠之山

地理志秦今隴西秦亭秦谷 輿地廣記秦州隴城縣

有秦谷 郡縣志鳥鼠山今名青雀山在渭州渭源縣

西七十六里渭水所出凡有三源並下其同穴鳥如家

雀色小青其鼠如家鼠色小黃

本漢首陽縣地理志鳥鼠同穴山在西南 渭

源縣熙寧三年置渭源堡屬熙州狄道縣

爾雅山海經注其鳥為鶖其鼠

為鼯共處一穴鼠在內鳥在外故山以為名 禹貢注

鳥鼠共為雌雄同穴處此山

張氏地理記
不為牝牡

沙州記寒

嶺去太陽川三十里有雀鼠同穴之山

非子養馬於汧渭之間孝王封非子為附庸邑之

於秦谷

地理志汧水出右扶風汧縣西北入渭今隴州汧源縣
本汧縣在汧水之北 郡縣志汧水在隴州汧陽縣南
一里渭水在南由縣南四十里本汧縣之地又在鳳翔

府岐山縣南三十里 括地志故汧城在隴州汧源縣

南三里

世紀云襄公徙居汧即此城

郿縣故城在岐州郿縣東北

十五里文公東獵汧渭之會卜居之乃營邑焉即此城

也

今按汧渭之間當在隴州

襄公討西戎以救周平王東遷王城乃以岐豐之地賜之遂橫有周西都宗周畿內八百里之地

東至邈山在荆岐終南惇物之野

西戎犬戎

王城

見前

岐豐岐陽在鳳翔府扶風縣

岐陽鎮

漢美陽縣地

豐通典周文王作鄠今京兆府長安縣

西北靈臺鄉豐水上是也

岐山在鳳翔府岐山縣東北豐水出京兆府鄠縣東南北

流入渭

宗周豐鎬宗廟所在漢婁敬曰秦地被山帶河

四塞以為固

呂氏曰敬所談秦之形勢乃周之形勢也

迪山孔氏曰迪謂

靡迪禹貢無迪山

荆山郡縣志在京兆府富平縣

今屬

耀州西南二十五里在岐山東禹貢荆岐既旅是也

北條荆山

漢志在左馮翊懷德縣南

岐山亦名天柱山在鳳翔府岐山縣東

北十里 終南山在京兆府萬年縣南五十里鳳翔府

郿縣南三十里 惇物山漢志垂山古文以為敦物在

扶風武功縣東

郡縣志武功蓋在渭水南今鳳翔府郿縣地

德公又徙雍

雍縣漢屬右扶風故城在鳳翔府天興縣南七里

陳

太皞處犧氏之墟

左傳陳太皞之虛也 稽古錄都宛丘

今懷寧府宛丘縣

郡

縣志包羲氏神農氏並都此

封媯滿於陳都宛於丘之側前見在豫州之東西望

外方東不及明緒

明音孟

外方見前

明緒禹貢謂之孟緒職方氏謂之望諸春

秋傳謂之孟諸史記謂之明都漢志謂之盟緒其實一

也郡縣志孟諸澤在宋州

今應天府

虞城縣西北十里周迴

五十里俗號盟諸澤

漢志盟諸澤在梁國睢陽縣東北虞城本漢虞縣蓋此澤介乎二

邑之間

檜

祝融之墟在外方之北滎波之南居溱洧之間

祝融氏名黎其後八姓唯妘姓檜

左傳鄭祝融之墟也 滎波職方氏豫州其川滎洛其

浸波滎是為二水郡縣志滎澤鄭州滎縣北四里禹貢

濟水亦不復入鄭康成謂滎今塞為平地滎陽民猶謂

其處為滎澤 薛氏曰濟源謂之沆東流于濟至淮州修武縣入河河水泛溢則南北被為滎澤左

傳衛侯及狄戰於滎澤在河之北孔穎達說滎澤跨河南北是也蔡氏曰今濟水但入河不復過河之南滎水

受河水有石門謂之滎口石門易氏曰孔安國言滎澤在敖倉東南 水經濟水東合滎瀆

水經

注穀水又東波水注之山海經瞻諸山西三十里婁涿

之山波水出于其陰謂之百谷水北流注于穀

爾雅云水自洛

出為波在

溱洧

見前

祝融八姓鄭語史伯曰己姓

河南府

昆吾蘇顧溫董董姓驥夷豢龍彭姓彭祖豕韋諸稽禿
姓舟人妘姓鄔鄔路偃陽曹姓鄒莒芊姓夔越荆斟姓
無後孔氏曰檜祝融之後復居祝融之墟

北鄰於虢

地理志河南郡滎陽縣

滎陽成
臯見前

應劭曰故虢國今虢亭

是也

郡縣志縣東至鄭州六十里

左傳制巖邑也虢叔死焉注虢

叔東虢君也虢國今滎陽縣成臯縣故虎牢或曰制

寰宇記東虢即今成臯

曹

兗州陶丘之北

陶丘郡縣志曹州

今興仁府

理中城蓋古之陶丘也一名左

城帝王世紀舜陶于河濱即禹貢之陶丘今濟陰定陶

西有陶丘是也爾雅曰再成為陶丘

成猶重也

漢志在定陶

西南陶丘亭水經注墨子以為釜丘竹書紀年魏襄王十九年薛侯來會于釜丘薛氏曰陶丘在廣濟軍定陶縣

封叔振鐸於曹今濟陰定陶

郡縣志曹州濟陰縣本漢定陶縣之地屬濟陰郡於周為曹國之地曹國在州東北三十七里濟陰界故定陶

城是也

在縣東北四十七里自曹叔至伯陽凡十八葉後魏於定陶城置西兗州周武帝改為曹州

隋置濟陰縣定陶舊為濟陰縣之鎮太平興國三年置廣濟軍分為定陶縣

水經注定陶

縣故三醜國三醜亭在濟陰縣東北四十九里

在雷夏河澤之野

河音柯

雷夏山海經云澤中有雷神龍身而人頰鼓其腹則雷然則本夏澤也因其神名之曰雷夏 郡縣志雷夏澤

在濮州雷澤縣北郭外

括地志在縣郭外西北

澠沮二水會同此

澤

隋開皇六年於邲陽縣置雷澤縣因縣北雷夏澤為名

河澤在曹州濟陰縣東

北九十里故定陶城東北濟陰縣南三里其地有河山

故名其澤為河澤

今東平濟南淄川北海界中有水流入于海謂之清河實河澤

水

經濟水又東北河水東出焉 薛氏曰河水分濟自興

仁府乘氏縣東至單州魚臺縣為荷澤入泗 郡縣志

兗州魚臺縣本方與河水即濟水也一名五丈溝西至
金鄉縣界流入去縣十里又東南流合泗水東北自任
城縣流入經縣東與河水合又東流入徐州沛縣界

帝堯嘗遊成陽葬焉舜漁於雷澤

地理志濟陰郡成陽縣有堯冢靈臺禹貢雷澤在西北
史記堯作遊成陽正義曰濮州雷澤縣是 郡縣志

雷澤縣本漢邠陽縣古邠伯國周武王封弟季載於邠漢以為縣堯陵在縣西三里自堯即位至永嘉三年二

千七百二十一年記于碑

堯母廟在縣西南四里 皇覽云堯冢在成陽呂氏春秋

堯葬穀林皇甫謐云穀林即成陽

後漢肅宗元和二

年使使者祠唐堯於成陽靈臺安帝延光三年又祠注云郭緣生述征記曰成陽縣東南有堯母慶都墓上有祠廟堯母陵俗亦名靈臺大母 金石錄漢成陽靈臺

碑亦以為堯母冢

雷澤 見前

郡縣志歷山在雷澤縣西北十

六里

史記舜耕歷山姚墟在縣東十三里舜生於姚墟馮衍顯志賦臯陶釣於雷澤兮賴虞舜而後親

注呂氏春秋舜漁於雷澤今言臯陶未詳

夾於魯衛之間

郡縣志曹州東至兗州三百七十里

魯地

西北至滑州二

百里

衛地

函

郟

郡縣志京兆府武功縣

後周於故
簾城置

古有郟國堯封后稷

之地故簾城

郟音同

一名武功城在縣西南二十二里古

郟國

后稷祠姜原祠在
縣西南二十二里

帝王世紀后稷始封郟今扶

風簾是也

栒邑

郡縣志栒邑故城在邠州三水縣東二十五里即漢栒邑縣屬右扶風古郇國也左傳云郇文之昭也古豳城在縣西三十里公劉始都之處

雍州岐山之北原隰之野 大王又避戎狄之難而入處於岐陽

岐山 見前

原隰

見前
隰原

岐陽郡縣志鳳翔府岐陽縣

貞觀七年置以在岐山之南因名之

今省為鎮
八扶風

周公出居東都

金滕周公居東二年居國之東也鄭氏謂避居東都未知何據

豳公

帝王世紀公劉徙邑於豳詩稱于豳斯館今新平漆之

東有豳亭是也

括地志豳州新平縣即漢
之地豳州開元改為邠

大王徙邑於

岐山之陽南有周原始改號曰周

小雅 大雅

西都豐鎬 見前

魯頌

少昊摯之墟國中有大庭氏之庫 見前 徐州大

野蒙羽之野

郡縣志鄆州鉅縣 今屬濟州 大野澤一名鉅野在縣東五里

南北三百里東西百餘里 地理志在山陽郡鉅野縣北 爾雅十藪魯

有大野西狩獲麟於此澤 獲麟惟在縣東十二里 蒙山在沂州新

秦縣東南八十八里書曰蒙羽其藝又蒙山在沂州費

縣西北八十里東蒙山在縣西北七十五里

顯吏為羽東蒙主

山在海州朐山縣西北一百里

殭鮫即此

沂州臨沂縣東南

一百一十里與朐山縣分界

地理志蒙山在泰山郡蒙陰縣西南今沂州費縣羽

山在東海郡祝其縣南今海州朐山縣

淮上 淮夷

見前

命魯郊祭天三望

三望公羊傳泰山河海

左傳注分野之星國中山川

劉氏春秋意

林曰魯之有天子禮樂殆周之末王賜之非成王也魯
惠公使宰讓請郊廟之禮於天子天子使史角往惠公
止之其後在魯實始為墨翟之學見呂氏春秋使成王之世
魯已郊矣則惠公奚請惠公之請也殆由平王以下乎

商頌

契所封之地

括地志商州東八十里商洛縣本商邑古之商國高所

封

漢弘農郡商縣

闕伯之墟封微子啟為宋公在徐州泗濱西及豫州盟豬之野

郡縣志宋州禹貢豫州之域即高辛氏之子闕伯所居商丘今州治是也周為青州之域宋城縣漢睢陽縣州

城古闕伯之墟契孫相土亦都於此春秋為宋國都今應

天自微子至君偃三十三世為齊楚魏所滅地理志

周封微子於宋今之睢陽是也本陶唐氏火正闕伯之

虛

泗濱

泗濱泗水在兗州泗水縣至淮陽軍宿遷縣南入淮

盟豬 見前

左傳文十年宋逆楚子遂道以田孟諸爾雅十藪呂氏
春秋九藪宋有孟諸

詩譜曰魯人大毛公為故訓傳於其家

釋文云河間人大毛公

河

間獻王得而獻之以小毛公為博士

儒林傳毛公趙人為河間獻王博士

後漢儒林傳趙人毛萇郡縣志毛
公墓在瀛州高陽縣東南三十里

鄭玄字康成北海

高密人

高密縣隋唐屬密州郡縣志鄭玄墓在縣西七十里

著毛詩譜

經典序錄鄭玄詩譜

二卷徐整暢

太叔襄隱

詩地理攷卷六

謹案卷五第二頁前六行示之以力役刊本脫役
字據尚書大傳增

第五頁前五行春秋保乾圖刊本保訛實據後漢
書方術傳注改

第八頁後八行委曲長八七里刊本八訛百據示
和志改

第十一頁後五行取郵取部刊本部訛部據春秋
襄公十三年經改

第十四頁前四行邦文公卜遷于繹刊本繹訛嶷
據文公十三年左傳改

第十九頁前三行商者五帝之遺聲也刊本五訛
古據禮樂記改

第二十四頁前二行昆吾祝融之孫刊本訛祝融
融昆吾之孫據國語注改

第二十五頁前八行周成王始封熊繹於荆刊本
脫封字今增

卷六第五頁後六行七行故三代皆為都邑刊本
都訛郡據元和志改

第八頁後一行四水之間刊本四訛泗據國語注
改

第八頁後四行諸侯城虎牢而戍之刊本戍訛成
據襄公十年左傳改

第九頁前五行走芒邠刊本邠訛鄉據史記改

第十二頁後二行滄州鹽山縣刊本州訛洲據唐

地志改

第十二頁後四行以南臨無棣溝為名刊本脫溝
字據元和志增

第二十七頁前八行在瀛州高陽縣東南三十里
刊本南訛界據元和志改





總校官庶吉士臣侍朝

校對官中書臣朱炘

謄錄貢生臣蕭志鴻